

MUDZIMU U NA

NGWANA YO NETSHEDZWAHO

 Kha ri vhale u bva kha—kha Bugu ya Marko Mukhethwa, ndi a tenda ndi do ralo, ndo ḥanga u vhala zwiṭukunyana na u amba ngazwo, huno ndimana ya 46 ya—ya ndima ya 10. Kha ri ime u itela ḥonifho ya Ipfi, musi ri tshi vhala. Ipfi la Mudzimu. Rothe ri a divha izwo. Ngauralo ni ima, na rabeledza vhudikumedzeli, zwine ni tea u ita; ni ima u ḥonifha fulaga musi i tshi khou fhira; ndi nga mini ni sa ralo musi Ipfi la Mudzimu Li tshi vhaliwa?

Huno vha swika Yeriko: huno musi vha tshi bva Yeriko na vhafunziwa vhawe na vhathe vhanzhi, Baratimeo wa bofu, murwa wa Timeo, o vha o dzula tsini na ndila a tshi humbela.

Huno musi a tshi pfa uri ndi Yesu wa Nazareta, a thoma u vhidzelela, huno a ri, Yesu, iwe muriwa wa Davita, nkhathutshole.

Huno vhanzhi vha mu kaidza uri a fhumule: fhedzi a simesa u huwelela u itela thendelano khulu, Iwe murwa wa Davita, nkhathutshole.

Huno Yesu a ima, huno a laya uri a vhidziwe. Huno vha vhidza munna wa bofu, vha ri khae, Iva o khuthalaho, takuwa; u khou vhidza.

Huno ene, a laṭa nguvho yawe, a takuwa, huno a ḫa kha Yesu.

Huno Yesu a fhindula nahone a ri khae, Ndi mini tshire Nñe nda tea u u itela? Munna wa bofu a ri khae, Murena, uri ndi vhone.

. . . Yesu a ri khae, Tshimbila zwau; lutendo lwau lwo u fhodza. Huno nga u tou ṭavhanya a ṭanganedza u vhona hawe, nahone a fara ndila na Yesu.

² Kha ri rabele. Muya Mukhethwa muhulu, maandafhadza lino Ipfi u itela riñe, madekwana a ḥamusi, kha lino ḥitambwa ḥituku. Huno ngavhe ri tshi vhona itshi tshiwo tshi tshilwa hafhu, huno, nga u ita nga u ralo, ri dzhie lutendo lwa uri Mudzimu u kha di tshila, nahone Ha shanduki mulovha, ḥamusi, na lini na lini. Ri zwi humbela nga Dzina la Yesu, Murwa Mufuñwa Wawe, Mutshidzi washu. Amen.

Ni nga dzula zwañu.

³ Thero yashu madekwana a ḥamusi ndi: *Mudzimu U Na Ngwana Yo Netshedzwaho*.

⁴ Huno zwino matshelo ano ro vha na tshifhinga tshi hulwane, musi ri tshi vhona Yesu a tshi dzhena Yeriko. Huno ro wana uri ho vha hu na muñwe muñuku heneffo nga dzina la Saxeo, o-o gonya n̄tha ha muri wa muhuyu huno a didzumba, ngauri o vha a sa tendi uri Yesu ndi muporofita. Fhedzi mufumakadzi wawe o vha a mufunziwa wa Yesu, huno o vha a tshi khou mu rabelela. Huno musi Yesu a tshi da fhasi ha muri, A ima, a lavhelesa n̄tha nahone a mu vhidza nga dzina, huno a ri, “Itsa, ndi khou ya hayani na iwe namusi.” Huno nda elekanya uri zwi do vha zwithu zwavhuđi madekwana a ñamusi, nazwo-vho, musi ri fhano, uri ri sokou isa phanda na Yesu. Ro Mu humbela matsheloni ano uri a tshimbile na riñe, nahone ro vha ri tshi khou ḥoda u ṭuwa Nae, huno kha ri sokou isa phanda Nae nga heneffha Yeriko.

⁵ Zwino, madekwana a ñamusi, tshiwo tshashu tshi thoma fhethu huthihi, ngei Yeriko hafhu, huno Yesu u nduni ya Saxeo zwino, u khou wana Zwawe—zwiļiwa Zwawe. Huno ndi duvha li rotholaho la Tshimedzi, nahone hu kha di vha matsheloni-tsheloni, fhedži, huno muya u khou vhuzzula u tshi bva hone—hone thayhani. Ntha u mona na Yudea, hu a rothola vhukuma n̄tha hafho, matsheloni-tsheloni, nga maanda nga itsho tshifhinga tsha ñwaha.

⁶ Huno shango nga tshiila tshifhinga, sa zwine zwa vha hone kha shango la kale zwino, lo dala vhahumbeli. Vha ya kha dzikhuđa dza tshiṭaraṭa huno vha humbela. Ndi... Fhedzi fhasi kha ayo mashango, zwiṭaraṭa zwo dala nga vhahumbeli. India na, oo, Afurika, na fhethu hunzhi, vha kha di vha na vhahumbeli; vhaholefhali, nyimiso, bofu, vho omaho mirado. Huno tshiñwe tshifhinga vhatthu vha sa koni u ditshidza, vhone vhané, vha tou humbela, huno vha dzula heneffho zwiñwe zwifhinga nahone vha fa nga ndala.

⁷ Nñe, ngei India, ndo tshimbila na zwiṭaraṭa, na iñwe tshelede ye nda neiwa nga havha vhatthu, huno nda i shandukisa u bva kha dzidolara u ya kha tshelede. Huno ndi tshi khou lingedza u i—i fhirisa, ngani, vho do tea u wana mmbi uri i mu bvisele nn̄da ha tshiṭaraṭa; vho vha vha tshi khou mu kandekanya. Huno ho vha hu na musadzi muñuku a ḥungufhadzaho o eđela heneffho, a tshi khou fa nga ndala. Lushie luđuku, huno lwo pfa ndala u swika hune ñama ya vha i tshi khou ñambatelana na dethelle, nahone hune na vhone nzudzanyo ya dethelle lituku. Huno a ni ñetshedza lushie, a tshi khou lingedza u ni ñekedza lushie uri lu si lovhe. Arali na dzhia *hoyu*, mini-ha nga *uyu* muñwe, mini-ha nga *uyu* muñwe, mini-ha...? Oo, nne-nne, ndi, ni—ni... Arali na nga tou vhone zwine ra lata kule ganini la mashika hafha, zwi nga kanzwa avho vhatthu, vhusnzhii havho. Ni tou vha ni sa limuwi uri ili shango ndi la khwiñe hani, musi ni tshi vhone shango ḥothe li tshi khou fa nga ndala.

⁸ Huno lo dala vhahumbeli. Huno heli duvha, vhunga tshiwo tshashu tshi tshi thoma, ho vha hu na... Ri wana uri havha

vhahumbeli vhothe vha tsela fhasi, kanzhi, ngei Yeriko, kha gethe la devhula, line la bva Yerusalem. Yeriko yo vha i si dorobo yo pfumaho nga maanda. Fhedzi Yerusalem, maitele mahulu ayo, fhethu hu divheahō ha thaberenakele, huno—huno vhapfumi vhothe vho pfulutshela Yerusalem, huno yo vha i dorobo khulu ya vhunzhilinzhili. Huno vhathu vha bvaho khayo vho vha vha vhapfumi. Huno vhavhambadzi, na vhañwe, musi vha tshi dzhena ngomu, nga masiari, havha vhahumbeli vho vha vha na madzulo avho; ndi mulayo u so ngo nwaliwaho, vho vha vha tshi divha hune muñwe a do vheya zwawe, a tshi humbeli vhurotho hawe, thuso yawe.

⁹ Huno vho vha vha tshi tea u swika afho nga u ḥavhanya u itela uri musi vhavhambadzi vha tshi dzhena ngomu, ngauri khañwe muthu o vha a tshi thusa muhumbeli muthihi fhedzi nga duvha, a na ligwende line a do li vheya kha tshikwama tshawe phanda ha musi a tshi ṫuwa. Huno, zwo tou ralo, itsho tshifhinga, Roma yo vha i tshi khou vhusa Palestina, huno makwevho avho o vha a denari ya Roma. Huno ngauralo vho vha vha na lone—lone ligwende lituku, o vha a tshi li nekedza muhumbeli wa u thoma, khañwe, hūno zwa vha zwenēzwo fhedzi nga duvha. O vha a sa koni u—u ɳea muhumbeli muñwe na muñwe. Ngauralo hoyo ane a ḥangana nae u thoma, zwo tou ralo, u wana ligwende. Ngauralo vho vha vha na fhethu havho nn̄da ha gethe, na musi vhathu vha sa athu swika ḥoroboni, vhaendelamashango, na vhañwe. Huno vha dzula kha gethe la devhula, nga maanda, vha tshi khou wana vhaendelamashango wa tshi khou bvelela nga heneffo.

¹⁰ Huno sa musi ri tshi zwi vhona ano matsheloni ane ra khou amba ngao, duvha li tshi khou thoma u ḥavha zwino, u yela kha iri ya ṫahe n̄tha ha tshithoma, ho vha hu na muhumbeli muthihi wa bofu we a swika u lenganyana.

¹¹ O vha na vhusiku vhu si ha vhuđi. O vha a bofu. O pofula u bva a tshe mutukana muṭuku. Huno o swika u lenga. O vha a so ngo... O edelesa, ala matsheloni, ngauri vhusiku hoṭhe o vha a tshi khou ḥora uri a nga vhona hafhu. Huno o songana mmbeteni wawe. Huno—huno o vha a tshi kona u vhona, o elekanya uri u a kona u vhona, huno u vuwa na u dinalea ho raliho, ha uri ha koni u vhona. Ngoho, wo vha u tshi tou vha muloro fhedzi.

¹² Huno a tsela fhasi kha vhuimo hawe. Huno musi a tshi swika afho, (zwino heli ndi litambwa zwino, la u swika kha ndivho yanga) ho vha hu si na muthu heneffo. Ho vha hu na tshithu tshi so ngo doweleaho tshe tsha itea. Hu si u fhira hafu u ya kha iri ya ṫahe kana iri ya fumi n̄tha ha tshithoma, huno—huno ho vha hu si tshe na vhahumbeli heneffo. Kanzhi, muthu muñwe na muñwe o vha a kha vhuimo hawe. O vha a sa divha uri ho itea mini ḥoroboni; sa zwine ra vha nazwo kha vhuragane hashu ha matsheloni ano matsheloni, na zwe ra amba ngazwo. Yesu o dzhena nga gethe nahone a ya ḥoroboni, huno—huno vhathu vhanzhi vho tevhela u ya u vhona uri zwe vha zwi nga ha mini, na

vhahumbeli vho tuwa. Huno o vha a sa zwi divhi, o swika u lenga. Ngauralo ri a kona u mu vhona musi a tshi thoma u vhidzelela madzina o fhambanaho, huno hu na—a hu na muthu afho. Zwi tshi nga zwithu zwi na vhuludu. A mangala, zwo luga, khañwe vhone—vhone vhaofisiri vha Roma vha nga vha vho vha pandela u bva afho fhethu, kana zwiñwe. Ngauralo ha ngo pfa muthu na muthihi, ngauralo a... Ho vha hu tshi khou rothola, huno o vha o ḥanganana nahone zwiambaro zwawe zwo vha zwo ṭahala.

¹³ Huno a mona a tshi gobagoba u swika a tshi mu wanela tombo le la vha li nn̄da duvhani, le la tou wa u bva kha luvhondo musi Mudzimu o dzinginyisela luvhondo lwa kale fhasi, mađuvha a Yoshua. A dzula fhasi kha heli tombo, huno o vha a tshi khou lingedza u elekanya nga ha muloro wawe wa vhusiku ho fhiraho, zwo vha zwi tshi do vha zwi zwavhukuma hani arali a tshi nga kona u vhona. Fhedzi, o—o vha a sa koni u vhona. O vha a bofu. Huno a thoma u elekanya nga hezwi zwithu, huno muhumbulo wawe wa humela murahu kha vhuñhannga.

¹⁴ Ni a ḥivha, ndi—ndi a takalela u ita izwo, u dzula nda elekanya zwithu zwo fhiraho, zwithu zwi takadzaho, zwa magundo e nda vhona Murena a tshi a kunda, na—na zwifhinga.

¹⁵ Huno Baratimeo, vhunga ri tshi mu ḥivha nga dzina, a tshi khou lora vhula vhusiku o ḥanganedza u vhona hawe, a thoma u elekanya uri zwi nga vha zwavhukuma hani arali a tshi kona u vhona. A elekanya, “Oo, ndo pofula lwa tshifhinga tshilapfu, a thi divhi na uri ndi nga kona hani u mona-mona hafhu.” Ngauralo a thoma u elekanya nga miñwaha minzhi ya murahu, musi a tshe mutukana muñuku. O vha a tshi dzulela u tamba nn̄da afho tshikwarani, nga thungo, i kha bama hune Yorodane wa bvelela hone; huno muedzi u fhasi afho, hune vha ṭavha thoro. Huno o vha a tshi tshila n̄tha thungo ha tshikwara, ri do ralo. Huno a elelwa uri ho vha ho naka hani, huno nga Tshifhefho, u—u lavhelesa one—one maluvha mañuku musi a tshi mela; na uri o vha a tshi dzhia hani vhunzhi hao, nahone a dzula fhasi huno a lavhelesa kha lutombo lwavhuđi lwa ṭada.

¹⁶ Ni a divha, vhupofu ndi tshithu tshi ofhisaho. Musi ndi tshi vhona muthu, bofu, mbilu yanga i ya mu swikelela. Fhedzi, naho, ndi a divha nga vhupofu ho nañaho, vhupofu ha tshimuya; uri Mudzimu o ita hani muthu uri a—a Mu vhone, huno a vha koni u zwi ita.

¹⁷ Tshinwe tshifhinga, ngei vhugalaphukha ha Cincinnati, ndo vha ndi heneffo, ñwananyana wanga muñuku huno ro vha ri heneffo. Ndi mufuni muhulu wa nn̄da, vhunga ni tshi divha. Huno nda vhona vho fara goni huno—huno vha li vheya hōkon, huno tshila tshithu tshi ṭungufhadzaho! Nda pfa phosho; huno ndo vha ndo fara Sara muñuku nga tshanda, huno ra—ra tsela fhasi hokoni. Huno heneffo itshi tshinoni tshihulwane, tshi na malofha u mona na tshifhañuwo tshoñthe, phapha dzo

thukhuwa u bva khatsho. Nda elekanya, “Zwithu zwi pfisaho hani vhuṭungu!”

¹⁸ La dzula phasi. La tshimbila u mona na hoko. La thoma, huno afha li a bvelela, li tshi khou papamadza phapha dzalo hafhu, u—u rwisa thoho yalo na thungo ya—ya hoko, li tshi khou babamedza phapha dzalo ntha-na-phasi, li tshi khou lingedza u bva hokoni, huno li tshi khou qithuvhula mathenga. Fhedzi lo vha lo farwa. La wela phasi huno la edela henefho, maṭo alo a mona, la lavhelesa n̄ha nahone la vhona lutombo lwa ṭada lwe la vha lo bebelwa lwone. Ndi tshinoni tsha ṭadulu, ni a divha. Fhedzi, ni a vhona, zwiñwe zwiswikelelwa zwa vhuṭali zwa muthu zwo li vheya hokoni.

¹⁹ Nda ima henefho ndo lavhelesa khalo. Nda elekanya, “Ndi nga nea tshinwe na tshinwe arali ndi tshi nga lirengela. Arali ndi tshi nga li rengela, ndo vha ndi tshi nga li vhofholola, nda ri, ‘Bvela phanda, mashaka a kale, u do—u do takalela izwo. Na nne ndi a ralo-vho. Vhofholowai nahone u gonye n̄ha afho. U wanaña n̄ha henengei. Wo vha wo bebelwa zwenezwo.’” Nda elekanya, “Heyo ndi mbonalo i ṭungufhadzaho na u fhirisa ye nda vhuya nda i vhona.”

²⁰ Nda takula Sara, nda mu fara nga tshanda tshanga. Nda ri, “Mufuňwa, afho ndi tshinwe tsha zwo kalulaho zwine maṭo au a do vhuya a lavhelesa khazwo.”

²¹ Nda ima henefho, ndi tshi khou elekanya. Nda elekanya, “Hai, ndi—ndi a divha mbonalo i shushaho u fhira iyo. Lavhelesani n̄ha tshikwarani hafho; avho vhanna vha na tshikoṭi tsha halwa tshandani tshavho, vhasadzi vho ambara zwipfufhi, folia.” Ngeno vho vha vho bebelwa u vha vharwa na vhananyana vha Mudzimu, huno khevho henefho hokoni ya tshivhi tshe Saṭhane a vha vheya khatsho. Zwi a ṭungufhadzaho, u pofula tshimuyani, vho valelwa hokoni; khañwe vha wela kha tshinwe tshivhidzo, vha imba kha khwayari, fhedzi vho valelwa hokoni ya tshivhi.

²² Huno sa musi Baratimeo o lingedza u elekanya murahu nga tshifhinga tsha musi a tshe mutukana muṭuku, hani uri u yela kha iri ya vhuvhili, nga madekwana, vhawe vho nakaho, mme muṭuku wa Muyuda vho vha vha tshi mu vhidza, “Baratimeo.” O vha a tshi swikelela kha u pfa ipfi lavho hafhu, musi li tshi unga na zwikwara, huno o vha a tshi da a tshi khou tou qidima. Huno vho vha vha tshi dzhena nga phanda ha phatshisi huno vha wana tshidulo tsha kale tshi qifhelelaho, huno vha mu takula nga zwanda zwavho. Huno a elelwa uri o vha a tshi lavhelesa hani kha maṭo avho avhudzi, na uri o vha a na mme wavhudzi hani. Na uri vho vha vha tshi mu ededza hani, musi a tshi dzhia vhuawelo hawe ha madekwana. Na uri vho ita hani izwo, vho vha vha tshi mu vhudza zwiṭori, zwiṭori zwa vhatu vhavho, na zwa vhaporofita vha Mudzimu vhahulu nahone vha maanda vhe

vha vha hone vhukati havho. Huno a funa hani izwo, o vha a tshi funa u zwi pfa.

²³ Zwo vhifha nga maanda musi vhomme vha tshi dzudza vhana vhavho u itela mbekanyamushumo ya thelevishini ya linwe dandedadande la Hollywood; madzuloni a u ita zwithihi, u vha vhudza zwiṭori zwa Bivhili.

²⁴ Fhedzi o vha a mme a wa vhukuma wa Muhevheru, huno o vha a tshi vhudza vhaṭuku zwiṭori. O vha a tshi ri, u mu vhudza nga musi Mudzimu a tshi rumu muhulu, Mushe wa maanda, musi vha dziphuli phasi ngei Egipita. Mudzimu o fulufhedzisa Khotsi Abrahamu uri u do vha phulusa. Huno A divhonadza kha ene—ene—ene muporofita muhulu we Mudzimu a mu vusa vhukati havho, a vhidzwaho Mushe. Huno U da kha tshivhumbo tsha Khavhu ya Mulilo, huno a rumela Mushe phasi ngei Egipita, huno zwihiwlwane, zwiga zwa maanda na vhūṭolo O vha bvisa ngazwo. Na uri ngei sogani, hu si na vhurotho kana tshiñwe tsithiu tsha u la, fhedzi who vha tshi khou tshimbila kha mutalo wa vhuthetshelesi, huno Mudzimu a nisa vhurotho u bva kha lutombo.

²⁵ Huno ndi a kona u pfa Baratimeo muṭuku a tshi ri, “Mme, lwa tshikhalyana. Mudzimu a nga vha a na Vharuňwa Vhawe vhoṭhe vha tshi khou shuma n̄tha hangei, huno u na honndo khulwane hoṭhe kha lutombo, huno Vharuňwa vha shuma na u fhirisa, vha tshi khou lugisa vhurotho, nahone vha vhu sukumedzela kha...”

²⁶ “Hai, mufuňwa, u muṭukusa kha u pfesesa. U ya vhonā, Yehova ha tei u ita izwo. Yehova ha tei u tou vha na honndo. Ndi Ene u musiki. U sokou zwi amba, huno zwa ralo.”

²⁷ Zwenezwo ri khou ya uri mini nga Yesu, musi ri tshi Mu vhonā a tshi dzhia tsithiu tshi fanaho? Hu tea u vha na tshiñwe tsithiu tshikhethwa nga Hae. U tea u vha na vhuňwanā na Yehova. Muňwe muthu ḥamusi u khou lingedza u Mu ita muporofita fhedzi, kana muthu zwawe, kana ramatali, mudededzi wavhudzi. O vha a si tshiñwe tsithiu tshi re phasi ha u vha Mudzimu o vhonadzwaho ḥamani.

²⁸ Heneffo musi a tshi amba nae nahone a mu vhudza nga u ri u bvelela hone—hone—hone sogani lihulu, hune ho vha hu murahu ha Yorodane zwezwo, na uri hanī nga Tshifhefho, musi riwedzi wa Lambamai, musi mahāda a tshi khou noka, n̄tha ngei Yudea, huno madi oṭhe a thavha a tshi khou tsela phasi, huno Yorodane wothe wo vha wo—wo vha wo dadzwa nga madi, madi a murahu mahulu ngei phasi kha mulambo. Zwo vhonala unga Yehova o vha a muendedzi a kundelwaho, u disa vhatku Vhawe kha itsho tshifhinga tshe milambo yo vha yo dala, lwo kalulesaho. Who vha vha tshi do kona hani u fhaṭa buroho khayo? Huno Yoshua muṭuku, kana muṭuku... hu si Yoshua.

Fhedzi Baratimeo muṭuku a nga ri, “Mma, O zwi itisa hani?”

²⁹ A ri, “Mufuňwa, elelwa, Yehova u kha ñi vha musiki. O sokou amba, huno lwone . . .”

³⁰ Mudzimu u takalela u isa zwithu kha . . . musi zwi kha u vilingana, huno A disumbedza sa Mudzimu. Nga Tshifhefho! Musi hu Tshilimo, ni nga wela Yorodane zwo leluwa heneffo, hu na fethu ho t̄andavhuwaho doroboni. Ri a divha izwo, nga dzitholi dzo welaho seli huno dza swika kha izwi. Fhedzi Mudzimu o litsha miedzi yothe ya dadzwa nga madi, huno zwenezwu U da a kokodza maanda mahulu Awe u bva Tađulu huno a bveledza ndila yo omaho nga heneffo. Afho ho dzula matombo nga phasi, he Yoshua a vha tendela uri vha hu dadze, sa tshihumbudzi kha Yehova, uri vhathu vhavho vho londotwa hani. Huno a . . .

³¹ Muňwe a—a zwi takalela zwavhukuma-kuma, ho vha nga ha—ha musadzi wa Musunema. O elelwa izwo. Huno mme awe vho vha vha tshi dzulela u mu vhudza nga tshitor tsha Musunema, na tsha muporofita muhulu, Eliya, duvhani lawe, na uri yyu mufumakadzi o vha a na vhulenda hani kha hoyu muporofita. Fhedzi, zwavhuđi-vhuđi o vha a si Muisiraele. O vha a Musunema.

³² Ngauralo o tenda uri Eliya o vha a muporofita, muporofita muhulu wa Murena. Ngauralo musi . . . Liňwe duvha o ri kha mukalaha wawe, “Kha ri mu fhaćele lufhera luđuku nga thungo ha nnđu yashu, huno ri mu sumbedze vhulenda, ngauri u—u munna muhulwane.”

³³ Na uri liňwe duvha musi Eliya na Gehasi, mulanda wawe, o bvelela huno vha vhona hovhu vhulenda hothe, a ri kha Gehasi, “Dzhena ngomu huno—huno—huno u vhudzise, ‘Ri nga ita mini? Naa ndi nga amba na khosi kana mulanguli?’”

³⁴ A ri, “Hai, ndi do tou dzula vhukati ha vhathu vhanga. Zwothe zwo luga.”

³⁵ Fhedzi Gehasi a ri, “Ndi muumba. O aluwa, munna wawe o aluwa, huno a vha na vhana.” Huno a ri . . .

³⁶ Huno Eliya a nga vha o vhona bono. A ri, “Iya, u mu vhudze, ARALO MAAMBA MURENA, u khou ya u vha na mutukana muđuku.” Huno, nga miňwedzi ya tahe, mutukana muđuku a bvelela.

³⁷ [A hu na tshithu kha theiphi—Mudz.] . . . wa kale, o vha a na khotsi awe, nnda tsimuni, khanoni, huno a nga vha o oma mirado nga duvha. O dzulela u lila, “Thoho yanga! Thoho yanga!” Huno khotsi vha mu rumela nduni. Mme vha mu takula marumbini avho, huno vha mu kwengweledza, huno khaňwe vha mu nea madzilafho othe e a vha a hone a u mu nea. Huno mutukana muđuku a naña u swikela, mafheleloni, nga vhomadekwana, a lovha.

³⁸ Na uri mme muṭuku vho vha vha sa khou ya u kundiwa hani! Musi khotsi vha tshi swika, huno vhadzulatsini vhoṭhe vha swika, huno vho vha tshi khou gomela na u zhamba, muṭhannga muṭuku o lovha, fhedzi o vha a tshe na lutendo kha hoyu muporofita, muporofita wa Muhevheru; ene, wa Vhannda. A ri, “Mmbofheleni meila, huno—huno ni so ngo—ni so ngo—ni so ngo ima, fhedzi ntendeleni ndi ye kha lia bako hune hoyu muporofita a dzula hone, n̄tha kha Thavha ya Kharamele.”

³⁹ Huno mukalaha wawe a ri, “A hu athu u vha ḥwedzi muswa kana savhatha, huno u ḫo vha a si ho.”

A ri, “Zwoṭhe zwi ḫo luga.”

A ri, “Tshimbila.”

⁴⁰ Huno musi Eliya a tshi mu vhona a tshi khou ḫa, ene na Gehasi vha bva bākoni, huno vha lavhelesa, o imaho ḥnda afho. Huno a bvelela. A ri, “Afha hu bvelela Musunema, huno u na thaidzo, fhedzi Mudzimu o zwi dzumba, mbiluni yanga.”

⁴¹ Ni a divha, Mudzimu ha vhudzi vhaporofita vhawwe tshiñwe na tshiñwe, zwine A ḫoda vha tshi zwi divha fhedzi.

⁴² Ngauralo a—a lavhelesa, huno a ri, “Ene u...” A ri, “Tshimbila, ṭangana nae, huno u ri, ‘Zwo luga zwoṭhe kha iwe? Zwo luga zwoṭhe kha munna wau? Zwo luga zwoṭhe kha ḥwana wau?’”

Huno hetshi ndi tshipiḍa tshire nda takalela, n̄ne-vho.

⁴³ Musi Gehasi a tshi ṭangana nae, a ri, “Zwo luga zwoṭhe kha iwe? Zwo luga zwoṭhe kha munna wau? Zwo luga zwoṭhe kha ḥwana wau?”

⁴⁴ A ri, “Zwoṭhe zwo luga.” Lushie lwo edela lwo fa, munna a tshi khou zhamba, miṭodzi i tshi khou roṭha mbiluni yawe, fhedzi, “Zwoṭhe zwo luga.” O ḫa phanda ha muthu ane a nga mu vhudza nahone a mu fhaṭutshedza, huno, o vha a na lushie, zwo tou ralo Mudzimu u ḫo dzumbulula uri ndi ngani O mu dzhia. “Murena o ḫea, Murena o dzhia, kha hu rendwe Dzina lia Murena!” O vha a tshi khou ḫoda u ḫivha uri ndi ngani.

⁴⁵ Huno zwenezwo uri o ḫisa hani a wela miledzheni ya Eliya, huno Gehasi a mu dzinginyisa uri a vuwe; hezwo zwo vha zwi so ngo dowelea kha mune wawe. Huno a dzumbulula zwe zwa vha zwo khakhea. Huno Ḵeliya a ya huno a vusa mutukana muṭuku, nga u ededza muvhili wawe kha wa muṭhannga muṭuku.

⁴⁶ Huno ndi khou ḫoda ni tshi limuwa lutendo lwa mme, nalwo-vho. O ededza lushie kha mmbete we Eliya o vha a tshi edela khawo. Ndi khou ḫoda ni tshi...

⁴⁷ Ndi khou ḫoda u bvisela khagala muhumbulo wa Paulo hafha, nga ndīla yanga ya ku elekanyele. Ni a divha, Paulo o vheya zwisagadugu kha vhalwadze na vhoṭhupheaho, na dzifasikoṭi. A thi tendi uri Paulo o vha a si ho kha luñwalo.

Ndi elekanya uri hafha ndi hone he a zwi wana hone. Ni a elelwa tshithu tsha u thoma tshe Eliya a vhudza ene—ene Gehasi? “Dzhia thongo yanga huno u ye u i vheye kha lushie.” O vha a tshi zwi ñivha uri tshinwe na tshinwe tshine a kwama tsho vha tsho fhatutshedziwa. Huno ngauralo, ni a elelwa, Paulo ho ngo rabelela zwisagadugu. Vho sokou dzhia u bva kha muvhili wawe. Holwo lwo vha lu lutendo lwa vhathe.

⁴⁸ Ngauralo, ni a vhona, o ri, “Dzhia thonga yanga huno (arali muñwe muthu a u resha, u so ngo mu resha murahu) i vheye kha lushie.”

⁴⁹ Fhedzi lutendo lwa musadzi lwo vha lwu si ho kha thonga; lwo vha lwu kha muporofita. Huno a ri, “A thi nga u tutsheli u swikela . . . Vhunga maya wau u tshi tshila, nñe—a thi khou ya u u tutshela.”

⁵⁰ Ngauralo Eliya, u itela u bva khae, o teya u ūtua nae. Ngauralo a dzhena ngomu huno a ladza muvhili wawe kha wa muñuku, lushie lwo faho, huno lwa atsamula ka sumbe huno lwa da vhutshiloni.

⁵¹ Nñe-nñe, tshi tou vha tshi—tshi tou vha tshiṭori tshihulwane kha hoyu muñuku Barati—. . . Baratimeo, musi a tshe—tshe—tshe mutukana muñuku. O vha a tshi takalela hani itsho tshiṭori tshiṭuku, ngauri ho vha hu myuwo ya mutukana muñuku. Hetsho tsho vha tshi tshinwe tsha zwine a zwi takalela.

⁵² “Fhedzi hezwo zwo vha mađuvhani o fhiraho,” tshifhe u a mu vhudza zwino. “Tshimangadzo, hayo o vha a mađuvha e Isiraele o vha a na vhahulwane, vhathe vha maända; vhahulwane, vhaporofita vha maanda vho tshimbilaho shangoni.” Fhedzi vhotshifhe vho ri, “U a ñivha, Yehova ha tsha ṭoda vhaporofita.” A si vhotshifhe fhedzi vha no amba izwo. Fhedzi—fhedzi vho ita zwila, “Yehova ha tsha ṭoda vhaporofita. O ri ñea mulayo, huno ri fhaña tshivhidzo, thempele, huno ndi zwezwo fhedzi zwine ra ṭoda.” Huno zwi tou vha ndila i fanaho ine vha zwi tenda ñamusi, fhedzi naho zwo ralo Yehova u kha ñi vha Yehova nahone Å nga si shandukise ndila Yawe; ndi Ene Mudzimu, nahone ha shanduki. Zwino vho tenda uri hezwo ndi—ndi zwezwo fhedzi zwine vha—vha ṭoda.

⁵³ Huno musi o dzula heneffo kha hoyu muloro wa masiari, vhunga zwo vha zwo ralo, a tshi khou elekanya nga hazwo, huno maño awe o pofudzwaho a lavhelesa kha ñuvha li dudelaho; nga khathihi, a pfa u kanda ha miledzhe ya meula ñukhu i tshi khou bvelela kha—kha ndila ya matombo, i tshi bva Yerusalem, matombo mañuku a badani, i tshi khou dzhena. Sa, huno a thetshelesesa, huno ho vha hu na muñwe muthu a na miledzhe i na sendele a tshi khou gidima phanda ha meula ñukhu. Huno a zwi ñivha uri hoyo a nga vha a muthu o pfumaho, ngauri o vha a tshi enda nga meula nahone o vha a na mulanda wa u rangaphanda meula.

⁵⁴ Ngauralo a takuwa, a tshi khou divha uri u tea u wana tshelede-nyana u itela u—u tshila. Ngauralo a takuwa a diputa nga nguvho yawe, huno nguvho thukhu yo t̄ahalaho, huno a gidimela tshiṭaraṭani, huno a ri, “Ndi ḍo takalela ndambedzo. Ndo lenga ano matsheloni. Naa u nga mpha-vho ndambedzo? Ndi bofu.”

⁵⁵ Huno ri pfa ipfi li hwasho zwavhukuma li tshi pfala, “Ibvanī ndilani, muhumbeli! Ndi mulanda wa Yehova. Ndi tshifhe. Ndi khou bva Yerusalēma, ndo rumiwa nga mushumisani, u imisa uļa muṭangano wa phodzo une wa khou ya u vha hone fhasi hafha ano matsheloni ngei—ngei Yeriko. Ndi khou tea u ṭangana na vharathu hafha huno ndi vhone uri izwo zwithu zwi si bvele phanda, wanai vhathu. Hu na muporofita wa mazwifhi shangoni, ni a vhona. Ri khou... ri pfa uri u Yeriko ano matsheloni, huno ndi ndilani yanga. Ibva ndilani yanga!” Tshifhe. “Huno, zweṭhe zwe luga, mulanda, ndilani yau.” Huno meile thukhu ya fhungudza luvhilo hafhu.

⁵⁶ Zwenezwo muhumbeli a fara ndila yawe ya u humela muraha u swika a tshi wana tombo, a dzula fhasi. A isa phanda na u lora hawe, huno musi a tshi thoma u elekanya, “Heneffo kha ndila thukhu he nda vha ndo ima hone; hu si kale, muporofita muhulwane nahone wa maanda, Eliya na Elīsa, vho da, vho farana nga tshanda, vha tshi khou tshimbila ndila nthihi, vho farana nga tshanda, vha tshi khou tsela fhasi Yorodane. Huno Yorodane wo vha u tshi khou ya u vulea hafhu. Huno nga kha iñwe thungo, kha hoyu muporofita o netaho wa kale, Eliya, ho vha hu na goloi ya Mulilo na bere dza Mulilo, yo nembelela na liñwe tavhi heneffo, ya u mu dzhia ya mu isa hayani. Huno o vha a tshi khou tea u vhona hezwi, Eliya muṭuku. Elīsa o vha a tshi khou tea u lavhelesa murahu huno a vhona vhushumeli phanda hawe, zwe zwa vha zwe vhewa phanda hawe. O vha a tshi khou tea u vheya liṭo lawe kha hoyu muporofita.”

⁵⁷ Huno ndi ḍo humbulela uri Baratimeo o ri, “Arali ndo tshila nga lia duvha, huno ndo dzula hafha, ndo vha ndi tshi do vha ndo gidimela kha avho vhaporofita, nda wa nga tshiffātuwo tshanga, huno nda ri, ‘Oo, muporofita wa Mudzimu! Nthabelele, huno Yehova u do mpha u vhona hanga murahu.’ Fhedzi tshifhe u ri, ‘Hezwo ndi, a hu tshe na zwithu zwe raloho. A ri na izwo. Yehova ha fhodzi nga maanda Awe, na luthihi. Ri na madokotela na zwiñwe zwine zwa ita izwo. Huno a ri tsha ḫoda izwo na luthihi, ngauralo Yehova ha fhodzi. Hezwo zwe vha zwa duvha lo fhiraho. Ri tou vhulunga mulayo. Huno ri a lwala, huno ra lovha nahone ra ya Tađulu, huno ndi zwezwo fhedzi. Ndi zwezwo fhedzi zwine ra ḫoda.’”

⁵⁸ Zwenezwo musi a tshi thoma u elekanya, zwenezwo a elelwa. Hu si vhulapfu ha madana maṭanu u bva he a vha o dzula hone; murahu ha musi Israeļe o pfuka nahone o gammiba, huno zweṭhe zwe dzula zwavhudī, madennde oṭhe o dzudzanye, o lindela

ndaelo ya u gonya n̄tha u ya Yeriko. Huno zwavhuđi-vhudzi tombo lithihi le a vha o dzula khalo lo vha li lone le Yehova a li tomola u bva kha—kha mbondo.

⁵⁹ Huno a ri, “Itau elekanya nga hazwo! Hu si kale, mmbi ya maanda, Yoshua, muhulwane, mulanda wa maanda wa Mudzimu, o wela mulambo, nga Tshifhefho, a vhekanya madennde, heneffho phanda ha swina. Liñwe duvha, musi a tshi khou guda ndila dzawe dza tshołela Yeriko, vhuñwe vhusiku musi a tshi khou tshimbila nn̄da, kana mahwe matsheloni, a tshi khou lavhelesa magethe u mona, huno o vha o hula hani. Vho vha vha tshi nga gidimisa gariki dza muñatisano n̄tha hao, dzibere, dzo vhalaho u ya matungo, u mona na gethe. Yoshua o vha a tshi khou lavhelesa hani. A lavhelesa we a vha o ima o gogodela luvhondo, huno heneffho ho vha ho ima Muthu o bvisa banga Lawe. Yoshua a bvisa banga lawe huno a ya u ḥangana Nae. Yoshua a huwelela, a ri, ‘Naa U na riñe kana U muñwe wa maswina ashu?’ A ri, ‘Hai, ndi Mulangi wa mmbi ya Murena.’ Yoshua wa maanda a posa banga lawe mavuni, huno a bvula tshipila tshawe nahone a wela miledzheni Yawe.”

⁶⁰ Baratimeo wa bofu a tshi khou elekanya, “Hezwo ho vha hu si vhulapfu ha mađana mađanu u bva he nda dzula hone zwino. Hune mmbi ya maanda ya Murena, Mulangi wa mmbi, huno Yoshua a kwatama miledzheni Yawe. Oo, arali ndo vha ndi hone kha ayo madennde, ndo pofula zwiła, ndo vha ndi tshi do humbeli Mulanguli wa maanda wa mmbi ya Murena arali A tshi nga mpha u vhona hanga, huno Ndi musi o zwi ita.” O ḥivha zwiłku uri Mulangi muthihi o vha a kha vhulapfu ha fhasi ha dana u bva khae.

⁶¹ Hezwo ndi zwone zwine ra khakha ngazwo, madekwana a ñamusi. Ri lingedza u vheya vhugala hothe, na Kristo, murahu-rahu kha tshirñwe tshikhathi. Bivhili yo ri, “Ha shanduki mulovha, ñamusi, na lini na lini.” U kha tshino tshifhađo nga vhudalo, madekwana a ñamusi, sa musi O vhuya a tshimbila ngei Galileya kana Yerusalem.

⁶² Mulanguli muhulwane o vha a tshi khou bva hayani ha Saxeo, huno vhathu vho vha vho—vho Mu lindela nn̄da.

⁶³ Nga miniti miłuku, a pfa phosho, huno phosho yo vha i na maipfi o ḥangananaho.

⁶⁴ Muñwe u khou ri, “Hosana kha Muporofita we a da nga Dzina la Murena! Mufhađutshedzwa ndi Muporofita wa Galileya, Mulanda wa Yehova!”

⁶⁵ Vhañwe vha ri, “Kule na uyo Muthu! A ri nga vhi na tshithihi tsha Hezwi u mona na heyi dorobo hafha.” Huno musi vha tshi bvelela, huno vhañwe vhavho vha tshi khou posa mitshelo yo sinaho Khae, musi A tshi khou fhira getheni.

⁶⁶ Huno o—o vha a sa athu u pfa zwithu zwi nga ho izwo, ngauralo a ri, “Hu khou itea mini? Iyi phosho ndi ya mini? Hu

khou itea mini u mona na afha?” Huno vhathu vha tshi khou sukumedzana.

⁶⁷ Ho no fhela tshikhalyanya a pfa ipfi la uła tshifhe muthihī we a tsela phasi u wana mushumisani uri hu si vhe na muṭangano. A mu pfa a tshi ri, “Vho mmbudza uri U ya vusa vhafu. Zwino ri na zwalo zwinzhi two dalaho ngavho n̄tha hafha tshikwarani, kha ri vhone U tshi da huno u vuse vhañwe phanda hashu.”

⁶⁸ Fhedzi, ni a divha, O vha o livha Yerusalem, a tshi khou ya u vhambiwa. Zwivhi zweithe zwa shango two vha zwi n̄tha Hawe, huno O vha a tshi khou ya Yerusalem u ńetshedzwa sa tshithavhelo. Huno vho nyefula na u tamba Ngae; huno vhañwe vhavho vha tshi khou Mu renda, huno vhañwe vhavho vha tshi khou Mu sema. Vhunga zwi hone kha muṭangano muñwe na muñwe hune A vha hone; vhañwe ndi Vhawe, vhañwe vha lwa Nae. Fhedzi ho ngo vhonala a tshi Mu thithisa. Tshifhaṭuwo Tshawe o vha o tshi livhisa kha u fhedza mushumo Wawe. Huno A isa phanda na u tshimbila, o khwāthela, musi A tshi ya phanda, o lavhelesa Yerusalem. Huno vhanna vhaṭuku vha fumimbili vho vha vho Mu tsireledza heneffo, vha tshi khou lingedza u humisela mavhuthu murahu. Huno vhañwe vha tshi khou lingedza u Mu kwama. Huno vhañwe vha tshi khou zhamba na u sea Ngae, na—na zwiñwe.

⁶⁹ Huno mavhuthu a thudzela munna wa bofu, ane ra vha nae sa mvumbedzwa yashu madekwana a ńamusi, huno vho mu sukumedzela murahu. Huno kha ri elekanye uri ho vha hu na vhañwe vhavhudji, vhaftumakadzi vhaswa vho daho, khañwe vha nga vha vho vha murathu wa Ribeka kha tshiṭori tshashu ano matsheloni, kana ho vha hu—hu mutendi kha Kristo. Huno a vha vhona vha tshi khou sukumeda mukalaha, huno a tshi vhona uri o vha... vho vha vha si na vhulenda khae. Fhedzi ngauri o vha a mutendi kha Yesu, two mu ita uri a vhe na vhulenda. Zwi dzulela u ralo. Zwi ita uri zwi dzhiele nzhele vhaaluwa na havho vha na ḥodea. Huno mukalaha o sukumedzelwa phasi, huno a ima uri a mu takule. Ene . . .

⁷⁰ A nga vha o ri khae, tshiñwe tshithu tshi nga ho hezwi, “Mufumakadzi muṭuku, ndi nga u vhudza, nga ipfi lau, uri u mufumakadzi muṭuku.”

⁷¹ “Ee, ndo ralo. Naa u nga ima, mukalaha? Ndi a tenda uri vha nga u vhaisa.”

⁷² A ri, “Ndi nga ha mini—khuwa ndi ya mini? Ndi mini izwi zweithe zwi dadisaho, ndado nn̄da hafha? Ndi nga ha mini?”

⁷³ “Ndi nga mini,” a ri, “naa wo pfesesa uri Yesu wa Nazaretha, Murwa wa Davita, u ḫoroboni? Hoyo ndi Ene u khou fhira, Muporofita wa Galileya. U ḫoda u mmbudza uri a u divhi?”

“Hai, a—a—a thi athu vhuya nda pfa nga Hae.”

⁷⁴ “Zwo luga, litshai ndi u vhudze zwe zwa itea ano matsheloni ngomu doroboni. Naa u ya ḋivha Saxeo, munna wa vhengele la zwiliwa?”

“Ee.”

⁷⁵ “O dzulela u vha wa lushaka lwa u sasalandza. Mufumakadzi wawe o vha a mutendi. Huno ano matsheloni, Saxeo, n̄tha kha muri, u lavhelesa Yesu a tshi fhira. Huno roṭhe ri a ḋivha uri U Muporofita. Huno musi A tshi bvelela, O ima nahone a lavhelesa n̄tha huno a vhidzelela Saxeo nga dzina ṥawé; zwo vha zwi sa athu vhuya zwa itea Yeriko.”

⁷⁶ Muhumbeli wa kale a karuwa. A ri, “Zwenezwo hezwo ndi u vuledzea ha Doiteronomio 18:15, ‘Murena Mudzimu washu vha do vusa muporofita a nga ho Mushe.’ Hoyo a nga vha a Ene. Arali a Ene, U gai zwino?”

“U tou vha kha vhulapfu ha ḋana u tsa na ndila.”

⁷⁷ O vha o no mu fhira kale, o elekanya. Ngauralo a thoma u huwelela, “Yesu, Iwe Murwa wa Davita, nkhathutshele. Nkhathutshele, O Murwa wa Davita. Musi U tshi khou fhira, ivha na khathutshelo.”

⁷⁸ Zwino, lwa ḥama, O vha a nga si vhuye a pfa ipfi ṥawé, nga n̄thani ha kwanye-kwanye yothe. Vhańwe vha tshi khou Mu renda huno vhańwe vha tshi khou Mu fhaṭutshedza, huno vhańwe vha tshi khou Mu sema. Huno, kwanye-kwanye, O vha a nga si vhuye a—a pfa nga Ene.

⁷⁹ Fhedzi O vha a Ipfi. Huno musi muya u tshi khou huwelela; vhunga ulla musadzi a na thaidzo ya malofha, we a kwama nguvho Yawe. Bivhili yo ri, “A ima.” Zwo Mu imisa. Elekanyani ngazwo, itanu elekanya ngazwo; uri yone—yone mbidzo ya bofu, muhumbeli wa kale a si na khuliso, huno a na zwivhi zwa shango na maṭhupho Khae, a tshi khou ya Yerusalēma u vha tshikumedzwa tsha tshivhi, fhedzi mbidzo ya muya muthihi wa muthu yo Mu ita uri a ime nahone a tou ima.

⁸⁰ Ha shanduki mulovha, ḥamusi, na lini na lini. Mbidzo nthihi, madekwana a ḥamusi, i ḏo Mu ḋisa vhuponi, sa vhunga yo ita zwila. Ha shanduki hani!

⁸¹ Ndi elelwa, vhuńwe vhusiku ndi tshi khou bva Dellas, Texas. Ho vha mińwaha ya tshivhalo yo fhiraho. Ndo vha ndo vhofhea ngei—ngei Memphis. Huno vho mmbeya n̄tha hafho kha ilā hodela i ḋivhaleaho, vha bufho vho ralo, Ḥodela ya Peabody. Huno vho mmbudza uri vha do mpfounela matsheloni a tevhelaho, nga tshifhinga tsha u fara goloi ndapfu, uri ndi humele murahu kha bufho.

⁸² Huno ndo edela zwavhuđi vhusiku hoṭhe; nda vuwa matsheloni a tevhelaho, ndo vha ndo ḥwala mańwe marifhi, ndo vha ndi tshi khou tsela fhasi posoni, uri ndi a rumele. Nda ya huno nda thoma u tshimbila na tshiṭarata. Huno nga u tou

ṭavhanya, nda pfa Tshiñwe tshithu tshi tshi ri, “Ima, huno u humele murahu.”

⁸³ Zwo luga, ni a divha uri vhathe vha kungea hani. Huno nda elekanya, “Zwo luga, hezwo ho vha hu zwe zwa vha zwone.”

⁸⁴ Nda ya phandanyana, huno Tsha dzulela u amba hafhu, “Ima, huno u humele murahu.”

⁸⁵ Zwo luga, nda—nda ima na khuḍa, ho vha hu na pholisa lihulu la Muirish heneffho khudani, huno a tho ngo... ndo vha ndi tshi khou lavhelesana na luṭale lwa u rea na zwiñwe, kha fasiṭere. Huno ndi nga vha ndo ima lwa tshifhinga tshilapfunyana huno a nga vha na khumbulelo ya uri ndo vha ndi tshi khou lingedza u wana iñwe ya idzo ṭhale, ngauralo nda sokou rembuluwa huno nda thoma u humela murahu. Huno musi ndi tshi humela murahu, nga u ḥavhanya, nga u ḥavhanya, huno nda fhira nga hodelani, huno nda tsela mulamboni, u tsa na u tsa. A thi ḫivhi, ndi a kholwa ndi nga wana fhethu, madekwana a ḫamusi. Huno nda elekanya, “Hafha li khou thoma u vha luswiswi, fhedzi Tshiñwe tshithu...”

⁸⁶ Naa ni a tenda kha u rangwa phanda nga Mudzimu? [Tshihvidzo tshi ri, “Amen.”—Mudz.] Huno musi ndi tshi khou tsa, nda—nda... Lo vha li tshi khou thoma u vha luswiswi nahone ndo zwi divha ur̄i ndi khou tea u ḥavhanya, fhedzi Tshiñwe tshithu tsho dzulela u ri, “Iya phanda, iya phanda.”

⁸⁷ Huno musi ndi tsini na u tou lengesa kha u humela murahu na u fara bufho ḫanga, nda elekanya, “Zwo luga, ndi—ndi tea u tevhela u rangwa phanda.” Huno nda mangala ndi tshi khou imba holwu luimbo luṭuku, ndi kha ḫi tou bva u ḥangana na inwi vhathe vha Pentekostała, nga ha:

Vho vha vho kuvhangana lufherani lwa n̄tha,
Huno vhoṭhe vha tshi khou rabela Dzinani
Lawe,
Huno vha lovhedzwa kha Muya Mukhethwa,
Huno maanda a tshumelo a ḫa.

⁸⁸ Naa no no vhuya na pfa ulwo luimbo? “Huno ndo takala ngauri ndi a kona uri ndi muñwe wavho.” Ndo vha ndi tshi khou lingedza u dovhola izwo hafhu, ndi tshi ri:

Dani, murathu wanga, ḫodani phaṭhutshedzo
Dzawe
Dzine dza ḫo ni ḫanzwa mbilu yanu kha tshivi.

⁸⁹ Huno musi ndi tshi ya phanda, fhasi na tshiṭaraṭa, nda lavhelesa, huno ho vha hu na Makhadzi Jemima vha kale vho gogodela kha luhura, na ṭhukhu, nn̄du ya mivhala heneffho, ṭhukhu, mushasha mutshena, yo gogodela kha luhura. O vha o ḫivhofha nga tshikhapha tsha munna u mona na ṭhoho yawe.

⁹⁰ Huno nda litsha u imba nahone nda thoma u tshimbila. Ndo vha ndi sa ḫivhi he nda vha ndi tshi khou ya; O sokou ri, “Bvela,

sokou isa phanda na u tshimbila.” Huno ngauralo musi ndi tshi sendela tsini tsini nae, nda zwi vhona uri o vha a tshi nga u khou nwethuwa. Huno nda lavhelesa khae, huno nda rembulusa tsho yanga nahone nda isa phanda na u tshimbila.

⁹¹ A ri, “Matsheloni avhudzi, mufunzi.” Zwino, hangei Tshipembe, *mufunzi* zwi amba “mushumeli.”

Huno nda—nda ri, “Matsheloni avhudzi, makhadzi.”

⁹² Nda lavhelesa murahu, huno nda elekanya, “O zwi divha hani uri ndo vha ndi mufunzi?” Huno ndo vha ndi si na Bivhili kana tshiñwe tshithu.

Nda rembuluwa. Nda ri, “Wo zwi divha hani uri ndi mufunzi?”

A ri, “Ndo zwi divha uri wo vha u tshi khou da.”

Huno nda ri, “A zwi ngo dowelea, kha nne.”

⁹³ Huno—huno a ri, “Naa wo no vhuya wa vhala kha Bivhili nga ha musadzi wa Musunema?”

Nda ri, “Oo, ee, mme.”

⁹⁴ A ri, “U a divha, o vha a sa ralo; o vha a muumba, o vha a sa koni u vha na vhana.”

Nda ri, “Ee, mme, ndi a elelwa tshiṭori.”

⁹⁵ A ri, “Huno o fulufhedzisa Murena, nahone o vha a tshi khou ya u alusela luļa lushie kha Murena, zwo tou ralo.” Huno a ri, “U a divha, ndo vha ndi holwo lushaka lwa musadzi.” A ri, “Ndo vha ndi sa koni u vha na vhana, munna na nne.” Huno a ri, “Ndo fulufhedzisa Murena, arali A nga nnea lushie, uri ndi do lu alusela kha Ene.” A ri, “O nnea lushie.” Huno a ri, “Ndo alusa uyo mutukana u ya nga hune nda kona, uri a shumele Murena.” A ri, “Fhedzi, u a divha,” a ri, “a dzhena kha tshigwada tshi si tshone, huno a wana hone—hone—hone vhulwadze muvhilini wawe.” Huno a ri, “Muthu wa dokotela o mu nea zwe the zwine a nga mu nea. Huno zwo dzhena ngomu,” a ri, “malofha awe ndi manau ya phanda, vhulwadze ha vhushaka,” vhulwadze ha sififisi. Huno zwo ambiwa nga u ralo, “Tshipida tsha malofha awe tsho rothela kha mbilu yaye. Mbilu yaye i na mabuli khayo.” Huno a ri, “O edela ngomu afho, o dzidzivhala.” Huno a ri, “Muthu wa dokotela o vha a fhano, maduvha mavhili o fhiraho, huno a ri, ‘Ha tsha do dovha a vuwa hafhu. Ha tsheho.’”

⁹⁶ Huno a ri, “A thi koni u ima nda lavhesa u vhona lushie lwanga lu tshi lovha vhunga izwo.” Huno a ri, “Zwenezwo nda—nda—nda rabela vhusiku hothe, ‘Murena, arali U tshi khou ya u mu dzhia... Wo nnea ene; fhedzi ndi—ndi—ndi khou toda u mupfa a tshi ri o tshidziwa, ngauralo ndi a divha uri ndi do tangana nae hafhu.’” Huno a ri, “Ndi—ndi a rabela, nahone ndo rabela thabelo i nga ho yo ambiwaho kha musadzi wa Musunema.”

⁹⁷ Huno a ri, “Nda—nda ya u edela, huno nda lora muloro.” A ri, “Huno nda ri kha Murena, nda ri, ‘Wo nnea lushie.’ Huno a ri, ‘ndo vha ndi tshi nga musadzi wa Musunema, fhedzi muporofita Wau u gai?” Huno a ri, A ri, ‘Lavhelesa, hafha.’ Huno nda vhona munna a na muñadzi muñuku wo dzula thungo ha ḥohoh yawe, o ambara suthu ya girei, a tshi khou bvelela tshiṭaraṭanī.”

⁹⁸ Huno a ri, “Ho vha hu nga iri ya vhuna matsheloni ano.” A ri, “Ndo vha ndo ima hafha u bva zwezwo.”

U kha ḫi vha Mudzimu. U fhindula thungo dzoṭhe.

⁹⁹ Nda ri, “Dzina langa ndi Branham. Ndi rabelela vhalwadze. Naa wo no vhuya wa pfa nga vhushumeli hanga?”

¹⁰⁰ A ri, “Hai, muñe wanga, Mufunzi Branham, a thi athu vhuya nda pfa nga ha iwe.” Huno a ri, “A u nga dzheni?”

¹⁰¹ Huno musi ndi tshi ya u vula gethe. Lo vha li na luhura luñuku heneffho, huno gethe lo vha li na tshipida tsha dzembe tsho ḥembelela khalo, vhunga murahu ngei Arkansas. Ho vha hu tshi tou vha seli ha mulambo u bva afho, zwo diralo, ngauralo ni a ḫivha uri izwo ho vha hu mini. Ngauralo nda kokodzela gethe murahu huno nda dzhena ngomu.

¹⁰² Musi ndi tshi dzhena ngomu ha iyo nndu. Ndo no ya pfamoni dza khosi, khosi tharu kana nña dzo fhambanaho; khosi ya England, khosi Gustaf wa Sweden, fhetu hunzhi, ndi tshi dzhena huno nda rabela navho. Huno ndo no ya kha miñwe midi yavhuđisa, ndi a kholwa, kha Hollywood. Fhedzi a thi athu vhuya nda ḫanganedzwa u fhira kha uyo. Lufhera luñuku lwo ḫandavhuwaho fhedzi, phera mbili, khishini ḫukhu nga murahu, lufhera lwa u edela luñuku afha, na mmbete muñuku wa kale. Ho vha hu si na zwo ḫambatedzwaho kha luvhondo. Fhedzi ho vha hu na tshiga heneffho, tshi ri, “Mudzimu fhaṭutshedza mudi washu.”

¹⁰³ Nda lavhelesa, ho edela afho, huno mutukana muhulu wa munegro, a tshi vhonala vhunga u na miñwaha ya fumimalo, muhulu, wa nungo, mutukana a vhonalaho a na mutakalo. Huno o vha o fara nguvho tshandani tshawe, huno a tshi khou ralo, “Uh! Uh!”

Huno nda ri, “Thaidzo ndi mini ngae?”

¹⁰⁴ A ri, “U—u elekanya uri u nn̄da kha lwanzhe lwa swiswi, o xela. Huno u ri, u khou dzulela u amba u ri ‘u xela, nn̄da lwanzheni,’ huno ha koni u wana ndila yawe. U elekanya uri u khou gidimisa tshikwekwete.” A ri, “O vha a tshi khou ita hezwo lwa mađuvha mavhili kana mararu.” Huno a ri, “A—a thi koni u mu litsha a lovha sa izwo.” A ri, “Naa u do mu rabelela?”

Nda ri, “Ee, mme.”

¹⁰⁵ Nda thoma u amba nga ha phodzo. O vha a si na dzangalelo kha izwo. O vha a tshi khou ḫoda u mu pfa a tshi ri o tshidziwa

fhedzi. Hezwo ndi zwone fhedzi zwe a vha a na dzangalelo khazwo, uri o vha o tshidziwa. Huno nda—nda ri o ralo . . .

¹⁰⁶ A sendela huno a mu fara kha thoho nahone a mu kokodzela murahu, a mu mama kha rama, huno a ri, “Mudzimu a fhaṭutshedze lushie lwa mma.”

¹⁰⁷ Nne ndo ima heneffo ndo lavhelesa izwo, huno nda elekanya, “Ee, ee, ndi zwezwo.” Hu si na ndavha uri o q̄isa u shoniswa hani kha mut̄a, u vhukule vhungafhani, hu si na ndavha uri u kha khakhathi ifhio, u kha q̄i vha “lushie lwa mma.”

¹⁰⁸ Huno nda elekanya, “Bivhili yo ri, ‘Mme vha nga hangwa lushie lwavho lu mamaho, fhedzi ndi nga si ni hangwe. Ni tou vha . . .’ Hu na lufuno lungafhani! ‘Madzina anu o ombelwa kha famba la tshanda Tshanga.’”

¹⁰⁹ A mu khisa. Ra gwadama phasi. Nda dzula kha mulenzhe wa mmbete. Nda vheya zwanda zwanga kha milenzhe yawe, yo vha i tshi khou fhisa, yo oma.

¹¹⁰ Huno nda—nda ri, “Makhadzi, naa u do thoma u rabela?” Huno, khonani yanga, ndo vha ndi tshi zwi q̄ivha uri o vha o no amba Nae. Oo, ndi thabelo—de ye a itela Mudzimu!

Zwenezwo a ri, “Naa u do rabela?”

Huno nda ri, “Ee, mme.”

¹¹¹ Nda ri, “Khotsi wa Taqulu, ndo lenga nga awara kha bufho. Wo mmbudza uri ndi—ndi de phasi hafha, nahone ndi sokou issa phanda na u tsa. Huno zwino a thi q̄ivhi uri khañwe afha ndi hune Wa khou n̄oda hone, kana hai, fhedzi hafha ndi he nda ima. Arali Wa nthuma u rabelela hoyu mutukana . . .”

¹¹² Huno nga itsho tshifhinga, a ri, “Oo, mma!”

A ri, “Ndi tshini tshire lushie lwa mma lwa khou ḥoda?”

¹¹³ A ri, “Hu khou thoma u vha na tshedza lufherani.” Ho no fhela miniti i yelaho kha miñanu, o vha o dzula kha mmbete.

¹¹⁴ Nda gidimela nn̄da, nda tshimbila ndi tshi ya. Nda elekanya, “Zwo luga, ndi nga tou wana goloi, ndi zwezwo fhedzi, huno nda lindela liñwe q̄uvha, kana khañwe ndi nga wana liñwe bufho.”

¹¹⁵ Musi ndi tshi khou ya getheni, ndo lenga nga u yela kha awara mbili kana zwiñwe, nda mu pfa a tshi ri, “Mbidzo ya u fhedza ya bufho la n̄omboro furathu-sumbe, la u ya Louisville, Kentucky.”

¹¹⁶ Ndi mini? Ndi mini? Vhuvhusi ha Mudzimu! Ni a vhona? Thabelo na lutendo lwa uña a ḥungufhadzaho, mutuku, a si wa ndeme, musadzi wa munegro, lwo imisa liya bufho la ima heneffo. Ndi Mudzimu a sa shanduki ane a nga ima nahone a rembulutshela muhumbeli wa bofu kha—kha mbondo dza Yeriko. U Mudzimu a sa shanduki mulovha, n̄amusi, na limi na lini. Ndi lutendo lune lwa zwi ita. U khou ni ḥoda ni tshi zwi tenda.

¹¹⁷ Nga iñwe ndila, ho no fhela miñwaha i yelaho kha mivhili ndo vha ndi tshi khou fhira nga afho nga tshidimela, ndi tshi khou ya, u vhuya murahu Phoenix. Huno, ni a ñivha, vha a ni durisela idzo sangwedzhi, kanzhi ndi a lingedza u tsa tshiñtshini huno nda ñiwanela iñwe bega, saga lo dala ngadzo, u vha ndi nadzo u swika ndi tshi tsa, ngauri vha ni rengisela sangwedzhi ya kale yo sekenaho ine ya tou vha na thungo nthihi khayo nga sente dza fusumbe-þhanu. Huno—huno yone, zwino, a si zwavhuði. Huno nda—nda thamutshela kha Memphis. Huno arali muñwe muthu o vhuya a ya Memphis, u ya ñivha uri tshidimela tshi engedza hani ntha hafha kha mufhiriselo hafha. Nda thamuwa nda gidimela fhasi afho kha tshifhaþo tsha bega.

Nda pfa muñwe muthu a tshi ri, “Hurini afho, Mufunzi Branham!”

¹¹⁸ Nda lavhelesa u mona, heneffo ho vha ho ima gebisi tswuku thukhu ntha afho, o takusa þoho. Nda ri, “Hurini, murwa,” nda thoma u humela murahu.

A ri, “Iwe, a u ñivhi, u a ralo?”

Nda ri, “Hai, a thi tendi uri ndi a ralo.”

¹¹⁹ A ri, “U a ñivha, liñwe ñuvha wo da nduni yanga.” Huno a ri, “Mma wanga vho vha vho ima nnđa, huno wa mu babadedza kha mutana, o ñukala.”

Nda ri, “A si iwe houla mutukana?”

¹²⁰ A ri, “Ee, ndi nñe.” A ri, “Ee, nñe—nñe ndi ula mutukana.” A ri, “A—a tho ngo fhodziwa fhedzi,” fhedzi a ri, “Ndo—ndo—ndo tshidziwa u bva zwenezwiña, nazwo-vho.” Ngauralo, izwo, zwo vha zwi zwezwo.

¹²¹ Oo, tshilidzi tshi mangadzaho! Mudzimu a sa shanduki, ane muhumbeli wa bofu a nga Mu imisa, a si wa ndeme, muñku, musadzi wa munegro a nga imisa bufho. Thabelo dzawe na lutendo kha Mudzimu! O vha a tshi khou zwi tenda.

¹²² Yesu o ima. Tshila tshifhaþuwo tsha muhumbeli wa bofu tsho Mu imisa heneffo kha ndila Yawe ine ndi nga takalela u vha na masiku mañku, u rera iyo therò, “Huno zwenezwo Yesu a ima.” Fhedzi heneffo A ima, a ri, “Mu ñise afha.” Amen.

¹²³ Ndo vha ndi tshi khou vhalal tshiñtori nga ha Baratimeo wa bofu, hafha tshinwe tshifhinga tsho fliraho, musi ndi tshi khou dzhia ñivhazwakale ya Bivhili. Zwi tou vha zwo raloho, fhedzi yo ri o dzulela u tenda kha phodzo. Hu si na ndavha zwa vhotshifhe vha amba, u kha di tenda khayo. Yo ri o vha a munna o malaho, o vha a na mufumakadzi, na musidzana muñku we a vha a sa athu u mu vhona. O vha a kha iyo miñwaha izwo, u yela kha miñwaha ya fumirathi. O vha a sa athu u mu vhona. Yo ri zwe a ita kha ene—ene . . .

¹²⁴ Ni a ñivha, ni tea u vha na tshinwe tshithu tsho fhambanaho na zwa muñwe, musi ni tshi khou humbelo, kana ni nga si kunge

tshipikwa tsha vhathu. Ngei India, vha—vha tendela zwiñwe zwa hovhu vhungovhe vhuñku vhu tshi vhulaya phakhuphakhu, na zwiñwe zwithu zwine vha nga ita u kunga tshipikwa. Ndo vhona yone—yone ḥoho i tshi dzhia thanda huno ya rwa bola, ngei tshiṭarañani, tshiñwe tshithu-vho, u wana tshipikwa, zwenezwo vha nga kona u vha ɻea tshelede.

¹²⁵ Huno i ri Baratimeo o vha a na maivla-muronzhe mavhili mañku a ne a nga ita, a nga tshina, sa mañku...nga tshao, huno hezwo zwo nyanyula vhone—vhone vhathu, vhaendelamashango, huno who vha vha tshi mu fha tshelede.

¹²⁶ Huno a ri vhuñwe vhusiku wawe—mufumakadzi wawe o lwala nga maända. Huno vho vha vha na dokotela, huno dokotela a ri, “Baratimeo, a hu na zwine ndi nga ita. Ene, ndi nga si fhedze ilo duda.”

¹²⁷ Huno ya ri a phuphuledza ndila yawe u mona na luvhondo, huno a bvela nn̄da ha nn̄du, huno a ri, “Yehova, ndi a U funa. Ndi tenda Iwe. A thi na tshithu tshirendza. Ndi na maivla-muronzhe mavhili hafha, a ne ndi tshila ngao. Fhedzi arali Wa nga tou tendela mufumakadzi wanga mufuñwa a dzula na nñe a nthusa u alusa vhana vhanga; huno ndi bofu, huno a thi koni u vhona; arali Wa nga tou tendela mufumakadzi wanga a fhola uri a kone u nthusedza, ndi ðo U fulufhedzisa, matshelo ndi ðo ita tshiñhavhelo tshihulwane. Ndi ðo dzhia maivla-muronzhe, tshipfumelelo tsha tshipfumelelo tshanga.”

¹²⁸ Zwo luga, vha ri mufumakadzi wawe a fhola. A dzhia maivhuronzhe huno a a ɻekedza.

¹²⁹ Tshiñwe tshifhinga murahu ha izwo, musidzana wawe muñku a lwala. Nae-vho o vha a kha tshiimo tsha lufu, ngauralo a ya u rabela hafhu. A ri, “Yehova, a thi na tshithu tsho salaho, fhedzi ndi na ngwana yanga.” Huno nga ayo maduvha, ngwana yo vha i tshi rangaphanda bofu vhunga zwine mmbwa ya mañko a vhonaho ya ita zwino, dzo vha dzo gudiswa u ranga phanda mabofu. Huno o vha a na ngwana ye ya mu ranga phanda u ya fhethu hune a humbelo. A ri, “Tshithu tshi tshoñthe tshe nda sala natsho, Yehova, ndi heyi ngwana.” Huno a ri, “Arali Wa nga tou litsha musidzana wanga muñku a tshila, fhedzi a thi athu u mu vhona, fhedzi u tou vha mufhumudzi musi ndi tshi tambisa mavhudzi awe nga zwanda zwanga.” Huno a ri, “U ya mpfuna, nahone ndi ya mu funa.” Huno a ri, “Yehova, arali Wa nga mu litsha a tshila, ndi ðo—ndi ðo U ɻea ngwana yanga, u itela tshiñhavhelo.”

¹³⁰ Huno musidzana wawe a fhola. Huno o vha a afho, a tshi khou ya themmbeleni na ngwana. Huno tshifhe a bvelela nahone a ima kha balikhoni, huno a ri, “Baratimeo wa bofu, u ya gai, ano matsheloni?”

¹³¹ A ri, “Ndi khou ya themmbeleni, u ɻetshedza heyi ngwana u itela tshiñhavhelo.”

¹³² “Oo,” a ri, “Baratimeo wa bofu, iwe u nga si ite izwo.” A ri, “Ndi do u nea iñwe tshelde, nahone wa ya kha—kha vhudzulo, huno wa renga ngwana nahone wa i ñetshedza u itela izwo.”

¹³³ A ri, “A tho ngo vhuya nda fulufhedzisa Mudzimu ngwana. Ndo fulufhedzisa Mudzimu heyi ngwana.”

¹³⁴ A ri, “Fhedzi, Baratimeo wa bofu, iwe u nga si ñetshedze ngwana, ngauri iyo ngwana ndi mañau.”

¹³⁵ A ri, “Arali nda ñhonifha pfulufhedziso dzanga kha Yehova, U do ñetshedza ngwana u itela mañanga.”

¹³⁶ O vha a na, aya matsheloni a rotholaho a Tshimedzi, Ngwana yo bveledzwa u itela mañ Baratimeo wa bofu. A ri, “Mu dise hafha.” A vheya zwanda Zwawe kha mañ awe, huno ila Ngwana yo ñetshedzwaho ya Mudzimu ya vula mañ awe.

¹³⁷ Khonani, ni a ñivha, hu nga vha na zwinzhi zwine zwi nga ambiwa kha hetshi tshitoro nga ha Ene a tshi ya u vhambiwa, fhedzi ri do dzhia izwo tshiñwe tshifhinga. Naa ni a ñivha, ila Ngwana nthihi yo ñetshedzwa madekwana a namusi u itela mañ anu, na inwi-vho? Heila Ngwana nthihi i fhanu madekwana a namusi. Mudzimu o ñetshedza. Ha na iñwe, ha nga vhuyi a vha na iñwe. Heila ndi Ngwana yo ñetshedzwaho nga Mudzimu. Naa ni a tenda izwo? [Tshividzo tshi ri, “Amen.”—Mudz.]

¹³⁸ Ndo lavhelesa kha watshi yanga, ndo no vha kha miniti dza fumbili u ya kha iri ya vhufumi, huno ndo vha ndi tshi khou ya u lingedza u ima nga iri ya vhuñahé, nda bva nga hafu u ya kha iri ya ñahé nñha ha tshithoma, nga tshifhinga tsho ñoweleaho.

¹³⁹ Fhedzi kha ri kwatamise thoho dzashu lwa tshikhalañana. Ndi khou ñoda liñlo linwe na linwe lo bonyiwa zwino, na thoho dzañu dzo kwatamiswa. Ivhani na vhudziki lwa tshikhalañana.

¹⁴⁰ “O Yesu, Iwe Murwa wa Davita,” muhumbeli o huwelela, “i vha na khathutshelo kha nné.” Huno ho ngo fhumula. U—u tea...u—u tea u kunga tshipikwa Tshawe. Huno a ni tendi madekwana a ñamusi uri tshililo tshashu tshi fanaho tshi do Mu ñisa vhuponi hafhu? Tsho ita zwila. Ndi nga mini tshi nga si ite hafhu?

¹⁴¹ Zwino musi ni tshi kwatamisa thoho dzañu na mbilu dzañu, ndi khou ñoda u huwelela Khae, “Yesu!” Ni so ngo Mu vhidza Murwa wa Davita, ngauri Ha Murwa wa Davita kha inwi. U Murena. “Yesu, Murena, ivha na khathutshelo kha nné. Bonyolosa mañ anga o pofudzwaho. Ndo pfa yuu mushumeli a na rine madekwana a ñamusi, a tshi ri Wo fulufhedzisa u Divhonadza kha mbeu ya Abrahamu, maðuvhani a u fhedza, nga ndila ye Wa ita kha Abrahamu na mbeu yawe ya lia ñuvha. Wo zwi fulufhedzisa, uri Iwe u Ipfi.

¹⁴² “Kha masiku a u fhedza mañuku, ndo—ndo vha ndi tshi khou vhona zwithu zwi so ngo ñoweleaho. O ri, kha Yohane Mukhethwa, ndi a ñivha, 14:12, ‘Uyo ane a tenda kha Nñé,

mishumo ine Nda ita nae u do ralo.' Huno musadzi o kwama nguvho Yawe, huno A divha uri thaidzo dzawe ho vha hu mini, huno ngauri ene—ene o dowedza lutendo lwo raloho. Ndi nga mini, u tenda uri O vha a ene, lutendo Lwawe kha zwe a ita, A mu divhadza sa o fholaho, a ri, 'Lutendo lwau lwo u tshidza.' Huno munna wa bofu getheni la Yeriko, tshithu tshithihi. Munna kha muri, ano matsheloni, zwivhi zwawe o hangwelwa zwone.

¹⁴³ "Vula maṭo anga o pofulaho, Ngwana. U itela uri ndi limuwe uri ndi Vhuhoneni Hawe. Uri U fhano. Wo ri, 'Huṇwe na huṇwe hune vhavhili kana vhararu vha kuvhangana Dzinani Ḷanga, Ndi—Ndi vhukati havho.' Vula maṭo anga o pofudzwaho, huno u nkhathutshele, O Ngwana ya Mudzimu."

¹⁴⁴ Huno musi ni tshi rabela izwo, arali hu na huṇwe u timatima muhumbuloni waṇu, ho vha na huṇwe u timatima huṇwe fhethu... Ri tou vha zwino phanda ha tshumelo ya phodzo khulu. Arali ho vha na dziinwe thimathimo nga hazwo, naa a ni nga Mu humbeli u kungulusela kule makwanda oṭhe maṭoni aṇu, uri ni kone u pfesesa zwavhuḍi?

¹⁴⁵ Masiku maṭuku e nda vha ndi tshi khou lingedza, nga mbilu yanga yothe, u ita uri ni vhone tshiṇwe tshithu, uri U khou nea tshiga Tshawe tsha u fhedza kha tshivhidzo, phanda ha musi A tshi humela kha Vhayuda. Muselwa wa Vhannda u khou tea u vhidziwa.

¹⁴⁶ [Muṇwe muthu u amba nga dziinwe ndimi, huno zwenezwo a nea ṭhalutshedzo—Mudz.] Amen. Zwino arali ndo pfesesa zwone, musi ni tshi khou rabela, Muya Mukhethwa u tshi amba nahone wa nea ṭhalutshedzo, Mudzimu u khou ni nea thambo.

¹⁴⁷ Ndi vhangana ngomu afha vhane vha do takalela Ngwana yo netshedzwaho ya Mudzimu uri i vule maṭo aṇu, uri ni kone u Mu vhone afha zwino, u hone? Naa ni do imisa tshanda tshanu, na ri, "Mudzimu, vula maṭo anga o pofulaho. Litsha ḥupila Iwanga lu bviswe mbiluni yanga, Murena, uri ndi pfesese."

¹⁴⁸ Huno zwino U do divhiswa hani? Ri do Mu divhisa hani? Nga vhuvha Hawe, zwine A ita, mishumo Yawe. O ri, "Ndi nne muṭokola, vhoiwi ni matavhī." Zwino, tavhi li aṇwa mutshelo, hu si muṭokola. Muṭokola u maandafhadza tavhi. Huno arali tavhi la vhuya la bveledza, kana muṭokola wa bveledza tavhi, li na ndirivhe khalo; muṭokola u tevhelaho wa bvelela, kana tavhi kha uyo muṭokola, li do vha na ndirivhe khalo. Arali tshivhidzo tsha u ranga tshe tsha bva kha muṭokola, tsho vha tshi tshivhidzo tsha pentekostala, na mpho dzoṭhe, arali hezwo zwo vhuya zwa bveledza liṇwe tavhi, vha do ḥwala iṇwe Bugu ya Mishumo murahu havho. Huno hezwo ndi zwone zwine vha vha nazwo nga mađuvha a vhaapostola, huno tshikhathi tsha vhuapostola a tshi ngo vhuya tsha guma.

¹⁴⁹ Petro o ri, nga ḏuvha la Pentekostala, "Shandukani, muṇwe na muṇwe waṇu, huno ni lovhedzwe nga Dzina la Yesu Kristo

u itela khangwelo ya zwivhi zwaṇu, ni do Ძanganedza tshifhiwa tsha Muya Mukhethwa. Ngauri pfulufhedziso ndi yanu, na vhana vhaṇu, na avho vha kha di da, na vhanzhi vhane Murena Mudzimu washu a do vha vhidza.” Huno tenda Mudzimu a tshi kha di vhidzelela, tshikhathi tsha vhuapostola tshi kha phanda. “Ngauri pfulufhedziso,” pfulufhedziso i nga ho ilā zwila, “ndi yanu, na vhana vhaṇu, na vha re kha di da, na v̄hunzhi vhane Murena Mudzimu washu a do vha vhidza.”

¹⁵⁰ Murena, vula maṭo ashu, huno u ri tendele ri vhone iyo Ngwana yo netshedzwaho. Wo fulufhedzisa uri yone...uri U do Didzumbulula mađuvhani a u fhedza, sa zwe Wa ita Sodoma, musi Murwa wa muthu a tshi khou dzumbululwa. Ri a rabela, Mudzimu, uri U zwi tendele zwino. Ri vhalanda Vhau, Murena. Ri miṭokola Yau.

¹⁵¹ A ro ngo fanelwa, a ro ngo fanelwa u humbelia tshithu na tshithihi; fhedzi arali ra nga elekanya nga ha izwo, zwenezwo ri do vha vhaṭuku zwavhukuma, ri do vha vha si vhavhudzi. Fhedzi, Murena, musi ndi tshi lavhelesa n̄ha Afho huno nda vhona uri hu na Ngwana yo netshedzelwaho n̄ne, hu na Ngwana yo netshedzwaho, zwenezwo Mudzimu ha vboni n̄ne, U vhona Ngwana yanga. Ndi a divhya uri a hu na tshithu tsho khakheaho kha iyo Ngwana. Yo Ძanganedza kale.

¹⁵² Zwino, Murena, tendela Ipfi la Mudzimu li Divhanadze vhukati hashu, madekwana a ḥamusi, uri lutendo lwa hoyu Baratimeo lu re fhano, muñwe na muñwe wavho, na mufumakadzi a na thaidzo ya malofha na tshini na tshini tshine tshe tsha vha tshi tshone, huno vho Simoni Petro, na vho fhambanaho vha re ngomu afha, vha re kha thodea, vho Saxeo vha re n̄ha ha muri. Divhanadze Iwe muñe, Murena, nga kha ḥama ya muthu. Tendela Ipfi Lau li vhe li tshilaho vhukati hashu, madekwana a ḥamusi, uri ri divhya na u vhona uri Iwe u Mudzimu. Huno ngavhe liṭo liñwe na liñwe lo populaho li vulwe kha u pfecta, Murena, uri musi ino tshumelo khulwane ya phodzo i tshi thoma, ngavhe muñwe na muñwe wavho a tshi fhodziwa. Vhoṭhe havha vhana vhaṭuku, na—na vhathe vha re kha makobodo, na—na tshini na tshini tsho khakheaho khavho, vha na thanda tshena, vha kone u bvela nn̄da hafha sa zwe Baratimeo a sa vhoni a ita. O Ძanganedza u vhona hawe. Zwi tendele, Khotsi. Ri zwi humbelia nga Dzina la Yesu Kristo. Amen.

¹⁵³ Zwino ro rabela. Huno zwino—zwino nga vhudziki zwino, no dzika, tendani. Zwino zwine nda...Heli litambwa liṭuku, zwine la vha zwone, ndi ngoho kana a si ngoho. Huno Kristo ha shanduki mulovha, ḥamusi, na lini na lini. Zwino ni do Mu divhisa hani?

¹⁵⁴ Zwi do vha hani arali muñwe muthu a bvela nn̄da hafha o ambara nguvho, na ndebvu na mavhudzi sa zwe mutsila a Mu

pennda, mavhadzi a zwipikiri kha tshanda tshawe, na malofha a tshi khou shuluwa u bva kha tshifhaṭuwo tshawe? Hoyo a nga si vhe Yesu. Hai. U dzula kha tshanda tshaula tsha Muvhusi; musi A tshi bvelela, gona liñwe na liñwe li do gwadama nahone ndimi iñwe na iñwe i do bulu. Ngauralo... fhedzi ni do Mu ḋivhisa hani? Mudziatshimbevha muñwe na muñwe a nga ḋiita ene muñwe sa izwo nahone a tshila sa zwezwo. Zwo tou ralo.

¹⁵⁵ Fhedzi ni do Mu ḋivhisa hani? O ralo musi ni tshi vhona mvumbo Yawe, Ipfī Lawe li tshi vhonadzwa nahone li tshi ita kokoto zwine La dzulela u ita, zwenezwo ni a ḋivha uri ndi Ene. Izwo ndi zwone? "Mishumo ine Nda ita."

¹⁵⁶ Zwino, ni a vhona, ni tou ditendela na Mu tenda zwino. Idani. Ni so ngo litsha muhumbulo wañu u tshi dzika, vhunga vhathe vha tshi ralo. Ni so ngo ita izwo. A ni di kha Mudzimu, no ṭanganana. Ni da Khae, lwa vhuṭali, na Ipfī Lawe. Ni disé Ipfī phanda hanu, na ri, "Murena, Wo fulufhedzisa. Ndo u humbela uri u vule maṭo anga. Tendela lutendo lwanga lu imise Murena Yesu, madekwana a ñamusi. Ngavhe A tshi rembulutshela kha nñe, huno a mmbudza sa Zwe... musadzi we a ita, miñwahani minzhi yo fhiraho." Huno tendani nga mbilu yañu yothe.

¹⁵⁷ Zwino, u ya nga hune nda kona u vhona, kha vhathetshelesi, a hu na muthu ane nda khou mu vhona ane nda mu ḋivha. Nothe ni vhatsinda.

¹⁵⁸ Huno tshiñwe tshifhinga ni elekanya uri hu tou vha havha vhathe phanda hafha vhane vha zwi pfectesa. Hai, hai. Ndila... a thi na ndavha na hune na vha hone, sokou mu tenda. A thi na ndavha, huñwe na huñwe kha tshifhaṭo. U a ḋivha uri ni nnyi na hune na bva hone.

¹⁵⁹ Zwino vhonani arali A sa shanduki mulovha, namusi, na lini na lini, arali lutendo lwañu lu tshi nga Mu imisa, sa zwe Baratimeo a ita. A ni tei u vha muhumbeli. A ni tei u huwelela sa zwe a ita. U huwelela a zwi ngo Mu imisa. Ho ngo pfa izwo. Ndi lutendo lwe lwa Mu imisa. "Lutendo lwau!" Ho ngo ri "u huwelela hau ho u tshidza." "Lutendo lwau lwo u tshidza." Ni a vhona, "Lutendo lwau lwo u tshidza." Zwothe zwe luga.

Murena kha rendiwe!

¹⁶⁰ Ndi a kanakana arali uña mushumeli o dzulaho afho, mukomana muhulwane we a vha a tshi khou rera lwa miñwaha? ya furathi-thanu, u nga nthusa? Naa u do zwi ita, muñwe wanga? Vheya tshanda tshau kha musadzi o dzulaho tsini na iwe, huno thaidzo ya mbilu i do mu ṭutshela. Zwothe zwe luga, ndi zwezwo. Naa ni a zwi tenda, khaladzi? Zwothe zwe luga, ndi zwezwo fhedzi.

¹⁶¹ O kwama mini? A thi athu u mu vhona, fhedzi zwe itea. "Arali na nga tou tenda!" Naa ni a tenda zwino? [Tshividzo tshi ri, "Amen."—Mudz.]

¹⁶² Naa izwo zwi a Mu ḥalusa? Maṭo anu o vulea? Zwenezwo lavhelesani Khae, Ndi wāvhudi, mukundi wa maanda! A hu na tshithu, a hu na mishumo, a hu na dinomineisheni, a hu na vhorasaintsi, kana tshiñwe tshithu, tshine tshi nga Mu imisa. U Mudzimu. Amen. Ndi linga muthu muñwe na muñwe ngomu afha uri a zwi tende, uri U hone zwino.

¹⁶³ Ndi vhangana vho no vhonaho tshifanyiso tsha Muruñwa wa Murena kha guranda, tshine vha vha natsho Washington? O ima henehfa kha pulatifomo zwino. Ndi zwone! Ndi a diyha uri U fhano. Ndi a zwi diyha. A thi na miswaswo. Ndi kule kha izwo. Ndi khou ni vhudza Ngoho ya Luriwalo. Zwi tendeni huno ni vhone zwine zwa itea.

¹⁶⁴ Afha, Khezwi afha hafhu. Hoyu mufumakadzi muñku wa mukhaladi o dzulaho nnda hafho magumoni, u khou lavhelesa u mona. Ngoho, u khou ḥoda thuso i bvaho ha Mudzimu. Ndi mushumeli, huno u khou rabelela uri Mudzimu a mu thuse kha vhushumeli hawe. Naa izwo a si zwone, mufumakadzi? Imisa tshanda tshau, arali izwo zwi zwone. A thi athu vhuya nda mu vhone, u tou vha mutsinda kha nne sa uña muñku, musadzi wa mukhaladi we a vha a fhasi ngei Tennessee tshiila tshifhinga.

¹⁶⁵ Hu na muthu, muthu wa mukhaladi o dzulaho afho o lavhelesa kha iwe, zwi nga zwo mu nea dakalo lihulu. Naa ni a ntenda uri ndi mulanda wa Mudzimu, muñe wāngā? Ni a ralo? Houla musadzi o u kwama sa zwe vha ita, irani, “Ivhani vha ḥutħuwedzo yavhudi.” A si nne ane nda khou ni vhidzelela, fħedzi U khou ni vhidzelela. Arali na tenda izwo nga mbilu yanu yothe, hovho vhulwadze ha swigiri vhu do ni ḥutshela. Naa ni a zwi tenda? Amen. Zwothe zwo luga, zwenezwo ni nga vha nazwo. Amen. Thendo kha Murena! Ndi zwezwo.

O kwama mini? Ho ngo kwama nne. O kwama Ene.

¹⁶⁶ Hafha, hafha ho dzula muñku, mutukana mutshena, o dzula hafha o lavhelesa kha nne. Lutamo lwo dzivhafhalaho mbiluni yawe. A tho ngo vhuya nda ni diyha, fħedzi ni khou ḥoda ndovhedzo ya Muya Mukhethwa. Ndi zwone, inwi. Naa ni a zwi tenda? Tendani, ni do Zwi ḥanganedza. Naa ni a zwi tenda, munna muñku? Zwothe zwo luga, ni nga Zwi ḥanganedza arali na zwi tenda.

¹⁶⁷ Afha ndi musadzi muñku murahu hafha. U khou tambula. Ndi tshanda tshawe tsha monde. Tsho vhuya tsha vundea. Tshi na pfundo khatsho, tshanda tshamonde. Kha tshanda tshawe tshauja, u na mazhuluzhulu na u zwimba zwiendanungo. U khou ya u zwi ḥuvha. Vhomme-Council, naa ni a tenda nga mbilu yanu yothe? Ni a tenda uri Mudzimu u do ita... No fhodziwa. Yesu Kristo o ni fhodza.

¹⁶⁸ A thi athu vhuya nda vhone musadzi kana u pfa nga hae, vħutħilioni hanga. Yehova u ya diyha uri izwo ndi ngoho. Amen.

¹⁶⁹ Afha ndi muṭuku, mufumakadzi wa mukhaladi hafha. U khou tambula nga vhukondi ho fhambanaho, zwithu zwinzhi. Tshinwe tshithu, ni na thaidzo nga maṭo anu. Hu si ngauri no ambara mangilasi; fhedzi maṭo anu a khou itisa zwinwe-vho, zwoḍiralo. Ni na vhulwadze ha marambo. Arali izwo zwi zwone, fhefheḍisani tshanda tshaṇu. Ni na maṭungu khanani yaṇu. Izwo ndi zwone? Fhefheḍisani tshanda tshaṇu. Ni na thaidzo ya thumbuni. Arali izwo zwi zwone, fhefheḍisani tshanda tshaṇu. Naa ni a tenda uri U do ni fhodza? Naa ni a tenda uri Mudzimu a nga mmbudza uri ndi inwi nnyi? Edna Gerald. Arali ni tshi zwi tenda nga mbilu yaṇu yoṭhe, zwi tendeni, huno ni nga wana phodzo yaṇu. Amen.

¹⁷⁰ Naa ni a tenda uri Ha shanduki mulovha, ḥamusi, na lini na lini? [Tshivhidzo tshi ri, “Amen.”—Mudz.]

¹⁷¹ Mini-ha nga oyu musadzi o dzulaho afha magumoni, muduba wa vhuvhili hafha, o lavhelesa kha nne? U na thaidzo nga milenzhe yawe. Naa ni a tenda uri Mudzimu u do fhodza miledzhe yaṇu? Arali ni tshi ralo, imisani tshanda tshaṇu. A thi mu ḫivhi, a thi athu vhuya nda mu vhona.

¹⁷² Mini-ha nga ha mufumakadzi o dzulaho tsini nae? Naa ni ya... O lavhelesa nga heyi nqila, khaladzi. Naa ni a ntenda uri ndi mulanda wa Mudzimu, nga mbilu yaṇu yoṭhe? Ni na mazhuluzhulu ane a khou ni thithisa. Arali izwo zwi zwone, fhefheḍisani tshanda tshaṇu. Zwino ni nga fhodziwa.

¹⁷³ Mufumakadzi o dzulaho tsini nae, naa ni a zwi tenda, nga mbilu yaṇu yoṭhe? Ni khou tambula, na inwi-vho. Naa ni a tenda uri Mudzimu a nga mmbudza uri thaidzo yaṇu ndi mini? Thaidzo ya tswio. Arali izwo zwi zwone, fhefheḍisani tshanda tshaṇu.

¹⁷⁴ Mufumakadzi o dzulaho tsini nae, naa ni a tenda? Ni khou tambudzwa nga mazhuluzhulu, huno na maṭo anu. Arali izwo zwi zwone, fhefheḍisani tshanda tshaṇu.

¹⁷⁵ Mufumakadzi o dzulaho tsini nae, naa ni a tenda, khaladzi? No tibwa nga murunzi. Ni na thaidzo ya thumbuni, ndi pfuko i re thumbuni. Naa ni a tenda uri Mudzimu o ni fhodza? Amen.

¹⁷⁶ Naa ni a tenda? Naa maṭo anu a nga vulea na tenda uri U Murwa wa Mudzimu? Zwenezwo, arali ni tshi ralo, imani nga milenzhe yaṇu huno ni Mu ḫanganedze, huno ni zwi tende nga mbilu yaṇu yoṭhe, uri Ha shanduki mulovha, ḥamusi, na lini na lini. “O Yesu, Iwe Murwa wa Davita, nkathutshele!”

U so ngo mphira, Iwe Mutshidzi wa u luga,
Ipfa tshililo tshanga tsho ṭukufhalaho;
Musi kha vhaṇwe Iwe u tshi khou vhidzelela,
U so ngo mphira.

Iwe u Tshisima tsha khuthadzo dzanga dzo^{the},
 U fhira vhutshilo kha nn̄e,
 Ndi na nnyi kha lifhasi nga nn̄da ha Iwe?
 Kana ndi nnyi Ta^dulu fhedzi Iwe?

¹⁷⁷ Ho itea mini? Lutendo lwaⁿu, vhunga u^{la} muhumbeli wa bofu, o Mu vhidzelela vhuponi. Amen. Naa ni a zwi tenda? [Tshivhidzo tshi ri, “Amen.”—Mudz.] Oo, a hu na thodea ya muduba wa thabelo. Ndi vhangana vhane vha tenda uri no fhodziwa, zwo diralo? Imisani tshanda tshan^u, Mu rendeni! Amen. No fhodziwa.

¹⁷⁸ Yesu Kristo u vhukati hashu, honou^{la} We a tshimbila Yeriko, we a divha Saxeo nga dzina, we a divha Baratimeo. Murena Yesu a sa shanduki, kha tshivhumbeo tsha Muya Mukhethwa, u fhano, madekwana a namusi, u khou ita zwithu zwithihi zwe A ita, u sumbedza hu sa kundelwiho ha uri Ha shanduki mulovha, namusi, na lini na lini. Ni so ngo tendela mikhumo, na dzithiolodzhi, na mishonga i rotholaho, zwi tshi ni bvisa. Ni Vhuhoneni ha Yesu Kristo, Ane a khou vhonadzwa vhukati han^u. Amen. Ndi a zwi tenda nga mbilu yaga yo^{the}. Amen.

¹⁷⁹ Tanganedzani phodzo yan^u, ni ri, “Thendo kha Murena! Ndi a zwi tanganedza.”

¹⁸⁰ Kha ri imbe dzithendo Khae. “Ndi a Mu funa, ndi a Mu funa.” Naa ni a Mu funa? [Tshivhidzo tshi ri, “Amen.”—Mudz.] “Ngauri ho ranga Ene u mpfuna.” Naa ni a Mu funa?

Ndi a Mu funa,

¹⁸¹ Mu losheni Vhuhoneni Hawe. Ni a divha U tea u vha hone fhano.

... Mu funa
 Ngauri O ranga u mpfuna
 Huno a badela u tshidzwa hanga

¹⁸² Heyo ndi phodzo, nayo-vho. Hetsho ndi tshipi^{da} tsha u tshidziwa hanu. Ni zwi ita gai? Kha Khalivari—muri wa Khalivari. Mbilu dzaⁿu dzo^{the}!

Ndi a Mu funa, ndi a Mu funa,
 Zwi ambeni zwavhukuma. Mu losheni!

Ngauri O ranga u mpfuna
 Huno a badela u tshidzwa hanga
 Kha muri wa Khalivari.

¹⁸³ Oo, naa a ni Mu funi? [Tshivhidzo tshi ri, “Amen.”—Mudz.] Khadanani na muⁿwe muthu, ni tshi ri, “Thendo kha Murena!” Ni a funana, ni a Mu funa. Rembuluwani ni khadane na muⁿwe muthu, ni tshi ri, “Thendo kha Murena! Thendo kha Murena! Ro takala u vha fhano, murathu, ro takala uri ri Vhuhoneni ha Murena Yesu.” Amen. Amen. Ndi zwavhu^di! Oo!

¹⁸⁴ Paulo o ri, "Arali nda imba, ndi imba ndi Muyani." Kha ri loshe ri Muyani, hafhu. Kha ri imbe ri Muyani.

Ndi a Mu funa, ndi a Mu funa, (haleluya)
 Ngauri O ranga u mpfuna
 Huno a badela u tshidzwa hanga
 Kha muri wa Khałivari.

¹⁸⁵ Oo, naa a ni Mu funi? Naa Ha wavhudi? Imbani!

O wavhudi, wavhudi, Yesu kha nne,
 Mulangulu, Mukololo wa Mulalo, U Mudzimu
 wa Maanda;
 U tshidza nne, u ntsireledza kha zwivhi zwołthe
 na u zwi shonisaho,
 Wavhudi ndi Murengululi wanga, kha hu
 rendwe Dzina Ławę!
 O wavhudi, wavhudi, Yesu kha nne,
 Ndi Mulanguli, Mukololo wa Mulalo, U
 Mudzimu wa Maanda;
 U tshidza nne, oo, u ntsireledze kha zwivhi
 zwołthe na zwi shonisaho,
 O wavhudi ndi Murengululi wanga, kha hu
 rendwe Dzina Ławę!

¹⁸⁶ Hu nga itea mini zwino Vhuhoneni ha Mudzimu, vhu nga
 ho uvhu?

Ndo vha ndo xela, zwino ndo wanala, ndo
 vhofholowa kha khałhulo,
 Yesu u nea mbofhollowo na u tshidzwa ho
 fhelelaho;
 U tshidza nne, u ntsireledza kha zwivhi zwołthe
 na zwishonisaho,
 O wavhudi ndi Murengululi wanga, kha hu
 rendwe Dzina Ławę!

Oo, kha ri imbe sa unga ri khou amba zwezwo!

Wavhudi, wavhudi, Yesu kha nne,
 Mulanguli, Mukololo wa Mulało, U Mudzimu
 wa Maanda;
 U tshidza nne, u ntsireledza, oo, kha zwivhi
 zwołthe na zwi shonisaho,
 O wavhudi ndi Murengululi wanga, kha hu
 rendwe Dzina Ławę!

¹⁸⁷ Oo, naa a zwi iti tshińwe tshithu kha inwi, u ni kulumaga,
 nga ngomu? [Tshihidzo tshi a takala—Mudz.] Vhuledzani, oo,
 vhudipfi ha hani! Ndi nga si ńekedze hezwi u itela tshelede ine
 na do i balanganya, zwińwe zwithu-vho. Zwi poseni kule, fhedzi
 mpheni Yesu. Oo, nne-nne! Ee, muńe wanga. Vhuledzani!

¹⁸⁸ Oo, ndi zwavhudi hani u tshimbila iyi ndila khethwa, ni tshi
 digogodedza nga Tshanda tsha lini na lini, dživhani uri U fhano!

Oo, lufuno nga u lavhelesa lwa u tou thoma, tshiñwe tshithu ngomu hashu tshine tsha vhidzelela! Oo, tshiñwe tshithu tshi nga ho ene—ene . . . mutibo wo bvaho tshisimani tsha muoli, tshi sokou bvisa madi; huno musi tshi tshi a bvisa nga maanda, a vha a rotholaho nahone avhudzi. Amen. Oo, U wavhuđi! Kani Ho ngo ralo? [Tshivhidzo tshi ri, “Amen.”—Mudz.] Ndi a Mu funa. A ni ralo? [“Amen.”] Oo, nne-nne!

¹⁸⁹ Naa a ni funani? [Tshivhidzo tshi ri, “Amen.”—Mudz.] Zwino vhoinwi Vhamethodisi nothe khadanani na Vhapentekostała, na inwi vha Baphuthisi, huno ivhani vhavhuđi. Arali ni sa koni u zwi ita, a ni Mu funi. Izwo ndi zwone. Ngauri, vha a Mu funa, ni a Mu funa; O ni dzhia na nqila dzanu dzi so ngo ćoweleaho, O ralo na kha muňwe, ngauralo kha ri tendelane zwino. Oo, naa A si wavhuđi? [“Amen.”] Ri a zwi tenda nga mbilu dzashu dzothe.

¹⁹⁰ Oo, kha ri lu imbe hafhu, holwu luimbo lwavhuđi lwa tshivhidzo, “Ndi a Mu funa, ndi a Mu funa.”

¹⁹¹ A thi fushei nga u amba izwo, ngauri O ranga u mpfuna. O mpfuna, a ćungufhadzaho, o pofula hu na ndivho, mufuni wa tshivhi, murwa wa tshidakwa tshi shonisaho, kha mushasha, huno A kwatama nga tshilidzi Tshawe. A thi ćivhi tshithu ngazwo. O nkhetha. Ee. Zwi vha hani? Tshene i nga shandukiswa hani ya vha gorou? Zwi dzhia maanda a Mudzimu. Amen. Ndi a Mu funa. Oo, ndi—ndi pfa ndi wa vhurereli zwino, nne muňe. Ndi—ndi—ndi pfa ndi wavhuđi.

¹⁹² Ndi a divha uri U fhano. Ndi Ene. O zwi fulufhedzisa. U, U fhano vhukati hashu. Ndi Mu funa hani! U wavhuđi. Zwi ni ita uri ndi ćipfe ni vhavhuđi u divha uri a ni tei u tou zwi humbulela. U hone fhano, u khou Dītalusa kha Ipfi, sa musi A tshi dzulela u ralo, u khou zwi ita Ene; hu si miňwe mikhuvha, hu si tshiñwe tshithu tsha khumbulelo; fhedzi Mudzimu a tshilaho Ene muňe. O Dīvhonadza hani? Hu si fhasi Sodoma, fhedzi kha Abrahamu; huno zwino kha Mbeu ya Abrahamu, murahu Hawe, zwi sumbedza uri ri Mbeu ya Abrahamu. Amen. Oo, nne-nne! ndi dipfa ndi wavhuđi, zwino.

Ndi a Mu funa, (Oo, u ćambiswa nga
phatħutshedzo dza hani!) ndi a Mu funa,
Ngauri O . . .

Itanu elekanya; phanda ha musi ni tshi Mu funa, O ni funa!

¹⁹³ Murena Yesu, tendela phodzo kha havha vhathu, Khotsi, uri vha fhodziwe, muňwe na muňwe wawho. Nga Dzina la Yesu Kristo, ndi a rabela, Murena, u itela vhugala Hau. Amen.

Muri wa Khalivari.

¹⁹⁴ Oo, kha ri kwatamise ṭhoho dzashu zwino, zwavhuđi, ro dzika. Ni a divha, ri vhana, zwo ćiralo. Ri vhana vha Mudzimu. Naa no no vhuya na vhona uri ńwana u vha o vhofholowa hani a tsini na vhabebi vhawe? Vhabebi vhawe vha khou mu lavhelesa,

ni a vhona. Kha ri lu ḋuṇune. [Mukomana Branham u thoma u ḋuṇuna *Ndi A Mu Funa*—Mudz.]

¹⁹⁵ U tou Mu vhona o ima hafha, Khavhu khulu ya Mulilo! O ri, “Ndi bva ha Mudzimu; Ndi ya kha Mudzimu.” O vha a Logos ye ya vha i na Mushe sogani, Khavhu ya Mulilo. O fa kha Khalivari, a vuwa hafhu. Huno musi Saulo a ndilani yawe ya u ya Damaseka, ila Khavhu ya Mulilo nthihi ya murwa a wela fhasi; a ri, “Ndi Iwe nnyi, Murena?”

A ri, “Ndi nne Yesu.”

¹⁹⁶ U bva ha Mudzimu; O humela kha Mudzimu. U ṭaluswa na riṇe nga ndingo dza tshisaintsi, nga ndingo dza tshivhidzo, nga tshiṇwe na tshiṇwe. “Ndi . . .” A tshi khou bveledza tshithu tshithihi, a tshi khwaṭhiseda Ipfi Ławé. Ndi Ene muṭalutshedzi. [Mukomana Branham u ḋuṇuna *Ndi A Mu Funa*—Mudz.]

¹⁹⁷ Naa tshi nga si vhe tshifhinga tshavhuđi tsha uri Ene a de zwino, lavhelesani u mona huno ni vhone muṇwe na muṇwe u khou shandukiswa, a tshi Ქuwa? U doralo tshiṇwe tshifhinga. [Mukomana Branham u ḋuṇuna *Ndi A Mu Funa*—Mudz.]

¹⁹⁸ Zwino na Ქoho dzashu dzo kwatamiswa, nga u tou ongolowa zwavhukuma. [Mukomana Branham u ḋuṇuna *Ndi A Mu Funa*—Mudz.]

¹⁹⁹ Elelwani, dzitshumelo nga matsheloni. Arali ni mutsinda hafha, huno ni si na tshivhidzo; havha vhafunzi vha u luga, vha tenda aya Mafhungo madifha a fanaho kana vho vha vha nga si vhe na nne hafha. Vho Ქanganedzwa zwivhidzoni zwavho. Ni vhe na tshumelo yavhuđi matshelo, vhuawelo havhuđi vhusiku ha madekwana a Ქamus, huno zwenezwo ni vhuye murahu matshelo nga masiari u itela tshumelo ya phodzo.

²⁰⁰ [Mukomana Branham u ḋuṇuna *Ndi A Mu Funa*—Mudz.] Zwoṭhe zwo luga. Mudzimu a ni fhaṭutshedze, murathu. 

MUDZIMU U NA NGWANA YO NETSHEDZWAHO TSV64-0620E
(God Has A Provided Lamb)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Mugivhela, Fulwi 20, 1964, ngei Odithoriamu ya Masipala fhaļa Topeka, Kansas, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi thalutshedzo ya Tshivenđa yo gandiswa huno ya phađaladzwa nga vha Voice Of God Recordings.

TSHIVENDA

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org